



Preocupacion ta crece den comunidad pa aumento di conflicto y violencia entre hobennan



Pagina 3

- **Companionan
Hulandes a importa
droga sintetico
peligroso for di
India**

Pagina 8

- **Autoridadnan ta
adverti di estafa
pa entrada na
Copa Mundial**

Pagina 15

- **49 persona ta
muri di sed den
desierto di Niger
despues cu truck
ta daña**

Pagina 24

Temporada di horcan 2026 oficialmente a cuminsa



Pagina 2

Con gangnan a tuma control di minanan di Venezuela



Pagina 10



Pagina 24

Zelensky, den
carta habri
pa Putin,
ta propone
reunion den
persona



% TUI DEALS OP=OP

AMSTERDAM

BIAHE IDA I BUELTA FOR DI

AWG 1590,-
pa persona

E preis menshoná ta un preis di komienso di un biahe ida i buelta pa
persona ekskluyendo gastunan di reservashon, i ta reservá di kambionan
di preis i eroman di imprenta.



Skèn e QR-code
pa e oferta aki

Temporada di horcan 2026 oficialmente a cuminsa

E temporada Atlantico di horcan pa 2026 oficialmente a cuminsa riba dia 1 di juni, marcando e comienso di un periodo di 6 luna durante cual e islanan den Caribe ta keda den alerta pa tormentanan tropical y horcan.

E temporada ta core te cu dia 30 di november y ta afecta henter e region Caribe, incluyendo e islanan ABC ademá di islanan BES y Sint Maarten.

Mientras cu e temporada oficial ta core e 6 lunanan aki, expertonan di meteorologia ta enfatisa cu e periodo mas activo tipicamente ta tuma luga entre augustus y october, ora cu e temperaturanan na lama ta na su nivel mas caluroso y condicionnan ta mas favorable pa desaroyo di tormenta.

Aunke e islanan den parti Sur di Caribe generalmente ta enfrente un riesgo mas abao di impacto directo di horcan, esaki no ta nifica cu nos no mester presta atencion na esaki.

Aunke e chens pa un horcan of tormenta yega tera na Aruba, e isla por experiencia efectonan indirecto. Autoridadnan semper ta enfatisa cu preparacion ta keda un di e maneranan mas efectivo pa reduci e impacto di eventonan di tempo severo.

Ademas, ya caba expertonan ta advertiendo cu un El Niño - cual ta un fenomeno di tempo - potencialmente poderoso por desaroya mas adelante durante e aña y te hasta sigui te 2027, cual ta trece tambe un impacto significativo pa region Caribe.

Segun World Meteorological Organization (WMO) y institutonan di clima regional, e probabilidad cu El Niño lo desaroya ta aproximadamente 90%. Modelonan di clima actual ta sugeri cu e temperaturanan na partinan di e Oceano Pacifico por aumenta te hasta 3 grado Celsius riba e normalidad, y esaki ta un indicacion cu e evento por bira particularmente fuerte.

El Niño ta sucede ora awa na Oceano Pacifico central y este ta bira inusualmente cayente. E fenomeno ta afecta patronchi di tempo global y hopi biaha ta asocia cu eventonan di tempo extremo na diferente parti di mundo.

Pa e islanan den Caribe, e preocupacion mas grandi ta bira e prospecto di temperaturanan halto, condicionnan

di segura prolonga y e presion cu lo aumenta riba recursonan di awa.

Expertonan di KNMI ta describi e situacion como un escenario di “multi-hazard,” den cual calor extremo, escasez di awa y stress ambiental ta reforsa otro. E condicionnan aki por afecta agricultura, produccion di energia, seguridad di cuminda y te hasta salud publico den henter e region.

Nos a yega di menciona den pasado cu cambio di clima ta causando caba cambionan cu expertonan ta considerando y investigando, manera e ampliacion di e hurricane belt y aumento den categoria di horcan. Esakinan ta cambio cu ta sigui inminente den nos futuro cercano mirando cu te ainda no tin cambio grandi of drastico den maneho pa cu cambio di clima.


Segun expertonan meteorologico na nos isla ruman Corsou, riba ken Aruba ta conta pa colaboracion den varios diferente parti di meteorologia, e necesidad pa un bon preparacion ta algo sumamente critico y importante.

Un percepcion cu varios por tin ta cu solamente si e horcan bin cerca e por causa daño, sinembargo e rango di daño cu un horcan por causa ta uno amplio. Cu solamente un tormenta, e por ta un temporada activo pero tambe posiblemente devastador pa bo pais o simplemente bario.

Aunke ta papia di temporada di horcan, hasta e tormentanan cu no necesariamente bira un horcan, por converti den inundacion mortal y expertonan ta bisa cu e peligro relaciona cu awa ta causa e cantidad mas grandi di morto relaciona cu horcan.

Un tempo atras Bon Dia Aruba tabatin e placer di papia cu Sr. Rodney Tromp, ken ta un experto den meteorologia, y su palabranan un biaha mas ta bira relevante e importante pa tene bon na cuenta. El a comparti cu “nos no mester di e horcan directo pa e haci daño. Nos sa caba cu hopi awasero por causa daño, cu e por bin cu strena y lamper, y tur esaki ta haci daño dependiendo di su nivel. Ta importante pa nos ta consciente di esaki y ta prepara.”

Un di e consehonan clave cu el a duna ta di keda pendiente na e servicjonan meteorologico local ademá di National Hurricane Center. Aunke rednan social te ainda




ta sigui, y awo mas ainda, un canal unda nos ta consumi hopi informacion y noticia tocante tur topico incluyendo tempo, ta importante pa tene cuenta cu hopi biaha nos por topa cu un falta di profesionalismo y reportahe cu na luga di brinda informacion of tranquilidad, por causa panico innecesario. Pa e motibo aki semper ta un miho opcion pa keda pendiente na e autoridadnan concerni y verifica tur informacion cu nos mira of tende na nan canal oficial.

Mester pone un enfasis sumamente grandi riba un di e expresionnan di Sr. Tromp e tempo aki, cual tabata “It only takes one storm to make it a bad season” y esaki ta nifica den otro palabra cu solamente 1 tormenta ta suficiente pa converti esaki den un mal temporada, y manera a splica anteriormente, esaki no necesariamente ta nifica un impacto directo. Tin varios otro manera cu e temporada di horcan por laga daño atras, y pa e motibo aki ta keda di gran importancia pa keda informa y mantene nos mes prepara pa cualkier eventualidad cu por tuma luga.

E impacto cu inundacion y hasta biento por tin ta hopi mas facil y probable di ser sinti tanto cerca como leu di lama, y e impacto por ta uno serio cu sea horcan of tormenta tropical por causa. Ademas, científiconan ta bisa cu cambio di clima ta nifica cu e tormentanan ta creciendo mas awa, yobida y daño mas leu di e costa.

Director di NOAA su National Hurricane Center a bisa na un conferencia di prensa cu specialmente den areanan unda inundacion sa tuma luga cu frecuencia, ta importante pa tin e preparacion y comprension cu inundacion di awa fresco ta un fuente significativa di perdida den añanan recién.



Tur esaki ta ilustra cu preparacion ta keda e clave pa por mantene nos mes y nos sernan keri safe di cualkier impacto negativo sea directo of indirecto.

Pa preparacion di emergencia, un plan di evacuacion ta importante. Sea cu un evacuacion ta algo cu bo ta considera probable of no, preparacion ta algo clave den bista di cualkier sucedido repentino. Como parti di e preparacion, den caso cu si bo ta haya bo mes den e situacion unda bo tin cu evacua, e ta util pa tin un ruta di evacuacion planea for di trempan, pa motibo cu esaki por ta algo crucial den yega na seguridad, claramente semper involucrando nos mascotanan den nos plan di preparacion.

Otro punto cu por ta di gran importancia, ta fortalece nos cas y manten'e limpi. Mantene e matanan cerca di nos cas corta pa asina preveni daño for di takinan cu kibra of bula den caso di biento fuerte.

Tambe ta util pa sigura cu nos tin e materialnan necesario den caso cu repentinamente nos ta haya nos mes den un situacion unda mester fortalece nos bentananan y proteha

nan for di cualkier cos cu por ta bulando pafo.

Cu e velocidad cu biento por yega den consideracion, ta importante pa drenta of warda tur loke por ta los den nos patio, pa motibo cu esaki no solamente por ta un peligro pa nos propio cas, sino tambe pa algun otro cas den bisindario en general.

Ta conseha pa mantene un kit di suministro di emergencia, revisa tur plan di emergencia familiar, sigura tur documento importante y keda informa via comunicacionnan di gobierno y pronosticonan oficial di tempo.

Medidanan di preparacion pa emergencia por ta especialmente importante ora cu e sistemanan tropical desaroya rapidamente of cambia di curso inesperadamente, cual ora nos ta lidia cu naturalesa, ta 100% algo cu por sucede.

Un parti preparacion ta den man di autoridadnan, ken mester tuma e medidanan necesario na nivel nacional, pero di otro banda, preparacion tambe ta den nos man, y hunto cune, e seguridad di tanto nos sernan keri como esun di nos mes.

Preocupacion ta crece den comunidad pa aumento di conflicto y violencia entre hobennan

Un serie di incidente violento cu a tuma lugar den diferente bario rond di e isla durante e ultimo dianan a causa preocupacion creciente den comunidad. Varios ciudadano a expresa nan inkietud tocante loke hopi ta considera un aumento preocupante den violencia entre hobennan.

Mientras cu autoridadnan ta sigui investiga e diferente casonan, y ainda no a confirma si tin relacion entre nan, e incidentenan a habri un discusion amplio tocante seguridad publico, conflicto entre gruponan di hoben, posible acto di represalia y participacion di hobennan den actonan di violencia.

E preocupacion den comunidad ta crece cada biaha mas cu cada reportahe di conflicto, problema of confrontacion entre hoben, y mas ainda ora e incidentenan aki ta involucra arma di candela.

Recientemente un conflicto entre hobennan a surgi despues cu aparentemente un problema cu a cuminsa den Dakota lo a continua den bario di Sero Patrishi.

Segun informacion, un confrontacion cu a tuma lugar den Dakota a resulta den accionnan di represalia. Un grupo di hoben di Dakota lo a ser agredi pa un grupo di hoben di Sero Patrishi, y algun dia despues e grupo di hoben di Dakota lo a bay Sero Patrishi cu un grupo mas grandi cu e intencion di regla cuenta.

Polis a presenta na Sero Patrishi pa atende cu e situacion y reestablece ordo. Segun informacion varios hoben cu a ser agredi durante e confrontacion lo a busca atencion medico pa haya un declaracion di dokter den cual ta documenta e heridanan cu nan a sufri pa asina nan por entrega keho oficial na polis.

Cuerpo Policial a informa cu diahuebs den oranan di merdia, recherche a detene dos hende muher. Esaki ta enconexion cu un caso cu a sucede diadomingo 31 di mei 2026, na unda un hende muher a ser agredi na un cas. Por a tuma nota tambe di un video cu a bay viral riba rednan social relaciona cu e caso di agresion.

Recherchenan di departa-



mento di Jeugd en Zeden Politie (JZP) a tuma e keho y den forma eficaz y investigacion relampago, conhuntamente cu recherche di Oranjestad cu tambe a forma parti, y den bon comunicacion y trahando hunto, a pone man riba sospechosonan involucra den e caso encuestion. Ta trata di un muhe di fam K. naci na Aruba di 21 aña y e otro hende muher tambe di fam K. di 14 aña di edad.

Algun ciudadano a expresa frustracion pa loke nan ta considera falta di intervencion efectivo, argumentando cu mester tin mas medida preventivo prome cu e situacion empeora.

Otro incidente, di tiramento, cu a tuma lugar recientemente na San Nicolas tambe ta agrega na e preocupacion cu ta reina den comunidad.

Segun informacion publica riba rednan social un persona a reporta cu un auto color blauw cu tabata sigui a los tiro riba si auto. Durante e investigacion, polis a detene tres hoben homber y a confiscar e auto sospechoso pa investigacion adicional.

Un di e preguntanan principal cu ta surgi for di e incidentenan recien ta si nan ta casonan separa of si nan forma parti di un patronchi mas amplio di conflicto entre gruponan di hoben.

Te ainda autoridadnan no a confirma ningun conexion directo entre e confrontacion den Dakota y Sero Patrishi, e tiramento na San Nicolas ni e caso fatal cu a cobra bida di Rayden Kock.

Polis a enfatisa repetidamente cu e investigacionnan ta sigui activo y cu no mester saca conclusionnan prome cu tur evidencia ser analisa.

Sinembargo, e poco tempo cu tabatin entre e diferente incidentenan ta trece speculation den comunidad y preocupacion grandi pa posibilidad di mas represalia cu lo por empeora e situacion di violencia riba e isla.

E preocupacion tocante violencia entre hobennan a intensifica considerablemente despues di e morto di e hoben Rayden Kock, ken a perde su bida despues di tiramento fatal den un parkinglot den e area turistico. E incidente a conmociona comunidad completo y e noticia di su morto a provoca un ola di tristesa y indignacion. Varios ciudadano a expresa nan dolor y dificultad pa compronde con un hoben a bira victima di violencia cu arma di candela.

E tragedia tambe a renoba debate publico tocante e problema mas amplio di violencia entre hoben y posible consecuencianan ora conflictonan escala.

Riba rednan social mayoran a expresa preocupacion tocante e ambiente den cual mucha y hobennan ta crece, specialmente considerando e aumento den reportahenan di pelea, menasa y incidente cu arma di candela.

Varios miembro di comunidad ta mira e morto di Rayden como un recordatorio di loke por pasa ora conflicto no ser para na tempo.

Ciudadanonan a haci yamado riba rednan social pidiendo autoridadnan pa mas intervencion, inversion den programa di desaroyo hubenil, guia y sosten, oportunidad educativo y iniciativa di resolucion di conflicto pa preveni violencia prome cu esaki tuma lugar.

Combati violencia entre ho-

bennan ta rekeri un enfoque di riba termino largo cu ta bay mas aleu di solamente accion policial. Mientras cu intervencion policial ta esencial, hopi persona ta kere cu prevencion mester cuminsa mas prome via scol, cas, club deportivo, organisacion religioso y gruponan comunitario.

Conflictonan no resolvi por escala rapidamente, specialmente den un epoca caminda influencia di grupo y rednan social por hunga un rol importante. Actividad positivo y oportunidad constructivo pa hobennan, particularmente despues di scol y durante weekend ta un punto esencial pa yuda preveni e tipo di conflictonan aki.

Varios residente a expresa riba rednan social preocupacion cu algun hoben ta cada bes mas dispuesto pa regla diferencia mediante violencia enbes di dialogo. Otronan a enfatisa cu ta necesario pa mayor, maestro, y lidernan comunitario traha hunto pa identifica señalnan di advertencia prome cu situacionnan bira peligroso.

Mientras investigacionnan ta continua, hopi ciudadano ta enfoca riba un preocupacion cu ta bay mas leu cu cualkier incidente individual. E serie di acto violento den un periodo relativamente cortico a laga hopi persona cu e pregunta si Aruba ta confrontando un tendencia preocupante entre hobennan.

Aunke ainda no ta cla si e incidentenan tin relacion entre nan, hunto nan ta contribui na un sentido creciente di

urgencia den comunidad. E morto di Rayden Kock, hunto cu reportahenan di pelea, confrontacion di represalia y incidentenan cu arma di candela, a resulta den un yamado pa mas cooperacion entre famia, scol, organisacionnan comunitario y autoridadnan.

Pa hopi residente, e speranza ta cu e incidentenan lo sirbi como un yamado di atencion y motivacion pa accion concreto pa preveni cu mas bida hoben ser afecta pa violencia den futuro.

Violencia di gang no ta un problema nobo na Aruba. Pa decadas, diferente bario riba e isla a enfrenta periodonan di tension entre gruponan di hoben, cu regularmente a resulta den pelea, intimidacion, acto di represalia y, den algun caso, incidente cu arma di candela. Aunke e intensidad di e problema a varia cu e tempo, hopi residente ta sinti cu e raiz di e asunto nunca a ser atendi completamente y cu cada generacion ta enfrenta mesun desafio di un manera diferente.

Ciudadanonan a enfatisa repetidamente cu e solucion pa violencia di gang no por bin solamente for di accion policial. Pa logra un cambio duradero, ta necesario pa inverti den educacion, guia pa hoben, oportunidad di empleo, actividad deportivo y apoyo comunitario. Sin un enfoque integral cu ta involucra famia, scol, comunidad y autoridadnan, tin preocupacion cu conflictonan entre grupo di hoben lo sigui ripiti y pone mas bida hoben na riesgo.



Confiansa di consumidor na Aruba ta mehora, pero preocupacion tocante prijs y economia ta persisti

E nivel di confiansa entre consumidornan na Aruba a muestra un mehoracion durante e di cuatro kwartaal di 2025, segun e ultimo "Consumer Confidence Survey" (Encuesta di Confiansa di Consumidor) publica pa Centrale Bank van Aruba (CBA). Aunke e resultado ta indica cu ciudadanonan ta sinti nan mes un poco mas positivo cu den e kwartaal anterior, hopi hogar ainda ta enfrenta preocupacionnan serio tocante costo di bida, futuro economico y nan poder di compra.

Segun e rapport, e "Consumer Confidence Index" a subi cu 3,6 punto te na 96,4 den e di cuatro kwartaal di 2025. Esaki ta representa e resultado mas halto registra durante aña, pero e indice ainda ta keda bao di e marca neutral di 100. Segun e metodologia di CBA, un resultado bao di 100 ta indica cu sentimiento general di consumidornan ta sigui relativamente pesimista, mientras cu un indice riba di 100 ta refleha optimismo.

E encuesta ta ser realiza regularmente pa CBA pa evalua con consumidornan ta percibi e estado actual di economia y con nan ta mira e futuro. E resultadonan di e ultimo kwartaal ta muestra cu, a pesar cu ainda tin cierto incertidumbre, hopi consumidor a bira menos negativo compara cu e kwartaal anterior.

Un di e indicadornan cu mas a contribui na e mehoracion ta e "Consumption Habits Index", cu a registra un subida di 4,2 punto pa yega 97,7. E indice aki ta midí e disposicion di consumidornan pa gasta placa y haci decisionnan financiero importante. Na mesun momento, tanto e "Present Situation Index" como e "Future Expectation Index" a subi te na 96,3, indicando cu e evaluacion di e situacion actual y e expectativa pa futuro a mehora durante e periodo studia.

E unico indice cu a muestra solamente un mehoracion modesto tabata e "Price Expectation Index", cu a subi un poco te na 90,4. Esaki ta confirma cu inflacion y subida di prijsnan a keda un di e preocupacionnan principal entre consumidornan.

E encuesta ta muestra cu 88% di e encuestadonan ta spera cu prijsnan lo sigui subi durante e proximo seis luna.



Aunke esaki ta dos punto di porcentahe menos cu den e kwartaal anterior, e cifra ta keda extraordinariamente halto. E resultado ta confirma cu mayoria di consumidor ainda no ta convenci cu presion inflacionario a desaparece completamente.

Durante henter 2025, e preocupacion tocante prijsnan a keda na nivelnan halto. Den e prome kwartaal, 94% di consumidornan tabata anticipa cu prijsnan lo subi. E porcentahe aki a baha gradualmente pa 91% den e di dos kwartaal, 90% den e di tres kwartaal y finalmente 88% den e di cuatro kwartaal. Aunke e tendencia ta positivo, e cifra ta sigui indica cu casi nueve di cada dies consumidor ta anticipa costo di bida mas halto.

Otro tema importante cu a sali for di e encuesta ta poder di compra. Un total di 80% di e encuestadonan a declara cu nan no por cumpra mesun cantidad di producto y servicio cu nan ingreso actual compara cu seis luna pasa. Aunke e cifra aki ta keda halto, e resultado ta representa un mehoracion considerable compara cu e di tres kwartaal, ora cu 93% di e consumidornan a reporta cu nan poder di compra tabata a deteriora.

Ademas, e porcentahe di personanan cu a indica cu nan por cumpra mesun cantidad di producto of servicio cu seis luna pasa a aumenta significantemente. Mientras cu solamente 6% tabata di e opinion ey den e di tres kwartaal, e cifra aki a crece te na 15% den e ultimo kwartaal di 2025. E resultado ta sugeri cu algun consumidor ta cuminsa sinti un poco mas estabilidad den nan situacion financiero.

Comportacion di spaar tambe a registra algun mehoracion.

CBA a haya cu e porcentahe di persona cu ta logra spaar mesun cantidad di placa a aumenta notablemente. Un total di 37% di e encuestadonan a indica cu nan nivel di spaar a keda mescos, compara cu solamente 18% den e kwartaal anterior.

Na mesun momento, e grupo cu a declara cu nan ta spaar menos a baha te na 32%. CBA a observa tambe un reduccion den e cantidad di persona cu no ta spaar nada. E porcentahe aki a baha te na 21% den e ultimo kwartaal. E evolucion aki ta apunta na un cierto fortalecimiento di posicion financiero familiar, aunke presion di prijsnan ta keda presente.

Percepcion tocante e economia nacional tambe a muestra señalnan positivo. E encuesta ta indica cu menos consumidor ta considera cu condicionnan economico a empeora compara cu e situacion registra anteriormente den aña. E porcentahe di encuestadonan cu a expresa cu condicionnan economico y comercial a deteriora durante e ultimo seis luna a baha drásticamente di 72% te na 49%.

Aunke casi mitar di e encuestadonan ainda ta percibi un deterioracion economico, e reduccion significativo den e porcentahe ta representa un cambio importante den sentimiento general.

Mirando pa futuro, consumidornan tambe ta muestra un perspectiva menos negativo. Solamente 36% di encuestadonan ta spera cu condicionnan economico lo empeora durante e siguiente seis luna. Den e kwartaal anterior e cifra aki tabata 56%. Esaki ta un di e mehoracionnan mas fuerte registra den e encuesta.

Mercado laboral tambe a

muestra algun señal di optimismo. Cerca di 34% di encuestadonan a indica cu actualmente ta mas dificil pa haya trabao compara cu seis luna pasa. Sinembargo, solamente 32% ta spera cu e situacion laboral lo empeora durante e siguiente seis luna. E resultado ta significativamente miho cu e 42% registra den e kwartaal anterior.

Pa loke ta trata finanzas publico, e encuesta ta revela cu preocupacionnan tocante e posicion financiero di gobierno tambe a disminui. Un total di 25% di encuestadonan ta considera cu e posicion financiero di gobierno a empeora compara cu seis luna pasa. Mirando pa futuro, 31% ta spera cu e situacion lo deteriora. Ambos resultado ta mas favorable cu esnan registra den e di tres kwartaal.

A pesar di e mehoracion general den confiansa, consumidornan ta keda cauteloso ora ta trata di haci gastonan grandi of asumi compromiso financiero nobo.

Mas cu mitar di encuestadonan, of 54%, a indica cu actualmente no ta un momento adecua pa saca un hipoteca. Igualmente, 47% a considera cu no ta conveniente pa saca un prestamo personal.

Tambe tin cierto reserva tocante compranan grandi. Cerca di 40% di e consumidornan ta considera cu no ta un bon momento pa cumpra un auto. Kedando den mesun liña, 31% ta opina cu no ta conveniente pa adkiri electrodomesticonan grandi pa cas.

Incluso gastonan relaciona cu recreacion ta muestra cierto cautela. Un total di 29% di encuestadonan a expresa cu nan no ta considera e momento actual como adecua pa

bay cu vakantie.

Segun observadornan economico, e actitud cauteloso aki ta consistente cu un ambiente unda consumidornan ta mira algun mehoracion den e economia, pero ainda no ta sinti suficiente seguridad pa aumenta significativamente nan gastonan of debe.

E encuesta tambe a analisa e forma con ciudadanonan ta mancha nan actividad di banco. E resultadonan ta confirma cu digitalisacion di servicjonan financiero ta sigui avansa rapidamente na Aruba.

Aplicacionnan di banco riba telefon a keda e canal mas popular entre consumidornan. Un total di 83% di encuestadonan a indica cu nan ta usa aplicacionnan di telefon regularmente pa haci transaccionnan bancario. E cifra aki ta mas halto cu e 71% registra den e kwartaal anterior.

Uso frecuente di online banking tambe a registra crecimiento. E porcentahe di usuario cu ta usa online banking regularmente a aumenta te na 63%.

Di otro banda, uso frecuente di ATM y debit card a registra un reduccion chikito, te na 56%. E dato cu posiblemente mas sobresali ta cu 54% di encuestadonan a indica cu nunca nan ta bishita un sucursal di banco.

E tendencia aki ta refleha e transformacion continuo di sector financiero local, caminda cada bes mas consumidor ta prefera solucionnan digital pa mancha nan cuenta di banco y transaccionnan diario.

Den termino general, e "Consumer Confidence Survey" pa e di cuater kwartaal di 2025 ta presenta un panorama mas positivo durante gran parti di e aña. Consumidornan ta menos preocupa cu deterioracion economico, cu oportunidadnan laboral y cu estado di finanzas publico. Sinembargo, inflacion, prijsnan halto y preocupacionnan tocante poder di compra ta keda un factor importante cu ta limita optimismo.

E resultado final ta sugeri cu confiansa di consumidor na Aruba ta move den direccion positivo, pero cu hopi hogar ainda ta mantene un actitud cauteloso den nan decisionnan financiero.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Francis Dirksz

Colaboracion

Agence France Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

OM ta bati alarma tocante escasez di recherche

Mientras preocupacion ta crece tocante capacidad di husticia na Aruba

Ministerio Publico di Aruba (OM) a duna un contesta publico inusualmente directo tocante e escasez di recherche andando den Cuerpo Policial di Aruba (KPA), advirtiend cu e falta di personal investigativo a yega un punto unda un cantidad significativa di keho criminal no por ser trata mas.

E declaracion ta yega apenas algun dia despues cu parlamentario di AVP, John Hart formalmente a cuestiona minister di Husticia, Arthur Dowers tocante e capacidad di autoridadnan di ley pa investiga adecuadamente e kehonan entrega pa ciudadanonan. Hart tambe a solicita un ora di pregunta parlamentario (vrageuur) pa ricibi clarificacion tocante loke el a describi como preocupacion creciente en comunidad.

Mientras e preguntanan di Hart a enfoca riba si kehonan criminal ta keda atrasa of sin atende, e contesta di OM ta parce di confirma cu e problema ta real y di hopi tempo caba.

Segun Ministerio Publico, capacidad suficiente den departamento di Recherche ta esencial pa checuta investigacion y proceduranan criminal. Sin suficiente recherche disponible, investigacion no por sigui efectivamente, y hopi keho ta keda sin atende.

OM a revela cu varios luna atras, ya a informa minister di Husticia mediante un carta oficial cu e escasez di recherche dentro di cuerpo policial a bira asina severo, cu “un gran cantidad di denuncia no por wordo trata mes mas.”

OM a splica cu e carta di advertencia a bira necesario pasobra OM cada bes mas ta haya su mes sin por splica ciudadanonan pakico no por tuma nan keho pa investigacion. “E cos aki ta kibra confiansa di e ciudadano den gobierno,” OM a declara, advirtiend cu e incapacidad pa procesa keho ta mina confiansa publico den institucionnan di gobierno y den e sistema di husticia mes.

E declaracion ta duna un bista poco comun den e retonan interno cu cadena di husticia di Aruba ta enfrente, y ta pone responsabilidad cla riba años di inversion insuficiente den personal.



Años di escasez structural

Segun OM, raiz di e problema ta bay mas leu cu e gobierno actual. Ministerio Publico a argumenta cu gobiernonan sucesivo durante hopi aña no a pone fondo disponible cu ta rekeri pa yena vacatura delinea den e formacion aproba oficialmente pa institucionnan clave di husticia, incluyendo cuerpo policial, OM y Instituto Correccional di Aruba (KIA).

E formacion aki, OM a nota, ta basa riba e cantidad di empleado necesario pa cumpli cu e debernan legal asigna na cada institucion.

“E plan di formacion di Cuerpo Policial ta encera cu mester tin hopi mas recherche,” OM a bisa den e declaracion. Ademá, a enfatisa cu institucionnan hudicial no ta controla nan propio presupuesto di personal, y pa e motibo aki, ta keda completamente dependiente riba decisionnan di gobierno tocante finanzas.

“Si no tin suficiente fondo disponibel, ta duidelijk di antemano cu no lo por cumpli cu tur tarea legal,” OM a declara.

E situacion, segun OM, a bira mas dificil ainda na maart 2025, tempo cu gobierno a impone un reduccion adicional di 10 por ciento di presupuesto den tur departamento den cadena hudicial. OM a enfatisa cu e recorte aki a keda implementa riba escasez di personal cu ya tabata existi.

“Ta bin acerca cu gobierno a impone na luna di maart 2025 un cortamento adicional riba presupuesto di 10% riba tur departamento den e cadena hudicial. E bezuiniging aki di 10% ta bin riba e scarsedad cu tabata existi caba.”

Reaccion publico

E declaracion di OM a duna impulso na un discusion significativa riba rednan social, unda hopi usuario a expresa frustracion pa e hecho cu e problema ta conoci pa años.

Usuario D.M. a skirbi cu a informa ripitidamente di e escasez na gobiernonan sucesivo sin cu a tuma accion significativa. “Ya a alerta di e problema aki años atras, pero ningun gobierno a haci nada,” el a skirbi na Hulandes, agregando cu tanto cuerpo policial como sistema di prison ta rekeri training y ekipo specialisa pa funciona efectivamente.

Otronan a vincula e asunto na preocupacionnan mas amplio tocante economia y gobernacion.

A.B. a argumenta cu aplicacion debil di ley y cumplimiento ta crea consecuencia negativo pa economia y pa sociedad den su totalidad. “Sin husticia tur produccion local ta lek,” el a skirbi, sugeriendo cu aplicacion mas fuerte lo por aumenta cumplimiento, mehora entrada di gobierno, y na final reforsa e poder di compra y servicionan publico.

Algun comentario a cuestiona e prioridatnan di gasto di gobierno. J.M.K. a declara cu ta dificil pa compronde pakico ta parce di tin fondo disponible pa otro actividadnan di gobierno, mientras responsabilidatnan clave manera seguridad publico y husticia ta keda enfrente escasez.

“Gobierno tin placa pa tur sorto di ‘onzin’ pero pa un di e tareanan mas importante, seguridad y husticia, nan no tin placa,” el a skirbi na Hulandes.

Otronan a interpreta e declaracion di OM como ad-



mision cu disuasion di crimen ta siendo debilita.

“Basically bisando pueblo cu tin un 1/10 chance bo por haya bo mes den problema si haci algo malo,” K.N.d.S. a comenta. Den contesta, otro usuario a sugeri cu e 10 por ciento di recorte di presupuesto mester ser mira como un reduccion riba un sistema ya caba debilita, disminuyendo su efectividad general mas ainda.

Presion aumentando riba gobierno

Intervencion di OM ta notable pasobra Ministerio Publico poco biaha ta participa den debate politico directo tocante prioridatnan di presupuesto.

Sinembargo, door di confirma publicamente cu actualmente no por investiga un cantidad di keho pa motibo di escasez di personal di recherche, OM a eleva e asunto di un preocupacion administrativo na un discusion mas amplio tocante seguridad publico, responsabilidad di gobierno, y confiansa den sistema di husticia.

Cu preguntanan parlamentario di Hart riba mesa, y OM advirtiend publicamente tocante e consecuencianan di escasez continuo di personal, presion ta keda aumenta riba minister Dowers y gobierno pa splica con nan ta bay atende e escasez.

Den centro di e debate tin un pregunta simpel pero consecuente: si ciudadanonan tuma e stap di reporta un crimen, sistema di husticia por keda garantisa cu nan keho ta bay ricibi e atencion cu e merece? E contesta, segun OM, cada bes mas ta depende riba si Aruba ta dispuesto pa inverti den e hendenan cu mester pa investiga e casonan.

Parlamentario Xiomara Maduro (MEP):

HOFA ta mas cu “Placa Barata”, pero ningun Minister di AVP-FUTURO ta splica Pueblo esey

Parlamentario Xiomara Maduro (MEP) ta critica e falta di transparencia di Gobierno AVP-FUTURO riba e implicacionnan constitucional di Rijkswet HOFA y Landsverordening Waarborging Houdbare Overheidsfinanciën (LWHO).

Segun Maduro, Gobierno ta enfoca casi exclusivamente riba e beneficio financiero di HOFA, pero ta evita e discusion tocante e impacto constitucional cu e leynan por tin riba autonomia di Aruba. “HOFA ta mas cu solamente ‘placa barata’. E ta toca autonomia, gobernacion y e relacion constitucional entre Aruba y Reino Hulandes. Sinembargo, Pueblo no ta tende casi nada tocante e aspectonan aki for di e mandatarionan di AVP-FUTURO,”



Maduro ta expresa. Segun e parlamentario, mientras cu Minister di Finanzas, Geoffrey Wever ta papia di cifranan y beneficio financiero, e preguntanan mas importante ainda no tin contesta: te unda autonomia di Aruba ta yega, ki rol Reino lo hunga den supervision financiero y ki consecuencia e

leynan aki por tin pa futuro generacionnan.

Maduro a señala cu precisamente Minister di Relacionnan di Reino, Gerlien Croes, tin e responsabilidad principal pa splica Pueblo con Gobierno ta proteha y defende autonomia di Aruba den e proceso aki. “E min-

ister cu ta encarga cu Relacionnan di Reino mester ta e prome persona pa splica con Aruba su autonomia ta wordo garantis. Te awor nos no a tende bisa nada riba esey. Pueblo merece sa exactamente unda Gobierno ta para y con e ta defende e interesnan constitucional di Aruba.”

Maduro tambe ta exige cu Minister President Mike Eman ta sali publicamente pa splica si su Gobierno AVP FUTURO ta dispuesto pa acepta solamente e beneficio financiero di HOFA of si tin concesionnan constitucional cu Aruba lo mester haci como pago pa e “placa barata.” “Pueblo tin derecho di sa si Gobierno ta bay busca ‘placa barata’ a costo di nos autonomia. E pregunta fundamental ta: ki garantia tin

Aruba cu nos posicion constitucional no lo wordo debilita? Esey ta un pregunta cu Mike Eman mester contesta Pueblo personalmente.”

“Si Gobierno ta convenci cu HOFA ta bon pa Aruba, e ora no tin ningun motibo pa evita e discusion constitucional. Transparencia ta nifica conta e historia completo, no solamente e parti cu ta conveniente.” Maduro ta conclui bisando: “Pueblo merece informacion completo prome cu decisionnan cu por afecta Aruba su futuro constitucional wordo tuma. Mike, Gerlien y Geoffrey no por entrega Aruba su autonomia den silencio.”

Nota di redaccion: E articulo aki ta opinion di e autor y no ta representa opinion di Bon Dia Aruba.

Zr. Ms. Groningen ta barco di stacion di Caribe

Zr. Ms. Groninge a tuma e funcion di barco di stacion den Caribe for di Zr. Ms. Friesland. E barco di patruya a mara na Bahia Santa Ana na Willemstad ayera mainta, segun un comunicado di Wardacosta di Region Caribe di Reino Hulandes.

Durante proximo lunanan, e barco lo ser desplega pa varios tarea di seguridad riba lama, manera vigilancia, aplicacion di ley, y combate di actividadnan ilegal, manera contrabando di droga. Adicionalmente, e ta para cla pa duna sosten durante situacionnan di emergencia, por ehempel, durante temporada di horcan cu ta cuminsa e luna aki.

Marina Real di Hulanda tin cuatro barco di patruya di clase ‘Holland’. E OPVnan aki - Barconan di Patruya cu ta bay Ocean - ta barconan cu por keda desplega flexiblemente pa vigilancia di awanan costal. E barco di stacion tin un helicopter di combate marino NH90 abordo pa sostene e barco cu operacionnan aereo.

Pa ultimo cuater luna, Zr. Ms. Friesland a cumpli cu e rol di barco di stacion den Caribe. Ademas di vigila e



situacion di seguridad rond di e islanan, e barco recientemente a bishita New Or-

leans, unda el a participa den festividadnan marcando e di 250 aniversario di Merca.

Cu presencia di un barco di stacion den region, Defensa ta contribui na paz y seguri-

dad den Caribe.

AWE

MINI MEGA

MEGA PLUS

Awo cu 2 florin mas, bo por gana e

*** Afl. 400.000,-**

* Afl. 300.000,- + Afl. 100.000,-
extra

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO









DVG:

Aruba a ricibi Ducaphen y Mobocon 2026 pa fortalece colaboracion regional den salud publico

Aruba ta orguyoso di ta anfitrión di dos encuentro regional importante den e siman aki: e conferencia anual di Dutch Caribbean Public Health Expertise Network (DuCaPHEN) y e reunion anual di MoBoCon (Mosquito Borne Control Network), reuniendo expertonan, profesionan di salud publico y specialistanan di control di vector for di diferente pais y isla den Reino Hulandes.

DuCaPHEN ta un red di colaboracion cu a wordo establece pa fortalece cooperacion den salud publico, vigilancia epidemiologico, preparacion pa emergencia, promocion di salud y con pa responde na crisis entre Aruba y e otro islanan di Caribe Hulandes. E encuentro a brinda un plataforma pa intercambio di conocimiento, experiencia y mehor practicanan den diferente area di salud publico.

Paralelamente, durante dianan 2, 3 y 4 di juni, Aruba tambe tawata anfitrión di e



reunion anual di MoBoCon (Mosquito Borne Control). E proyecto aki ta reuni cada aña representantenan di e teamnan responsabel pa control di vector y mosquito na tur e islanan Hulandes. Durante tres dia, participantenan a comparti experiencia, resultado di investigacion, reto y solucionnan practico relaciona cu prevencion y control di enfermedadnan transmiti pa sangura.

Parti di e programa a tuma

luga den sala di reunion di Directie Volksgezondheid (DVG), unda participantenan a participa den presentacionnan y discusionnan tecnico. Y atardi, e grupo a move pa diferente locacion den comunidad pa comparti experiencia practico y observa metodonan di control di sangura na Aruba.

E dos encuentronan aki ta muestra e importancia di colaboracion regional pa fortalece preparacion y respuesta



contra desafionan di salud publico cu nos region ta enfrenta. Tambe ta brinda oportunidadnan valioso pa siña for di otro, fortalece relacionnan profesional y desaroya solucionnan conhunto pa proteha salud di nos comunidadnan.

Como anfitrión di DuCaPHEN y MoBoCon 2026, Aruba ta reafirma su compromiso cu cooperacion regional, innovacion y fortalecimiento continuo di salud publico na beneficio di tur

habitante den Caribe Hulandes.

Pa mas informacion, like nos Facebook page Directie Volksgezondheid DVG Aruba, follow nos riba Instagram [directie_volksgezondheid_aruba](#), sigui nos den WhatsApp Channel, ricibi tur informacion den Aruba Health App, bishita [www.dvg.aw](#), yama 5224200 of manda email na [servicio@dvg.aw](#)

Hulanda: Seguro di salud ta cubri operacion di stoma pa algun adolescente obeso

(NLTimes)—Seguro di salud basico na Hulanda lo reembolsa operacion di stoma pa adolescentenan di 13 aña bay ariba cu obesidad severo, suheto na condicionnan estricto. Zorginstituut Nederland ta anticipa rond di 100 adolescente eligible pa e proceso extenso di seleccion pa aña, y cu 10 pa 20 di nan lo haya e operacion.

E operacion lo ser reembolsa solamente pa adolescentenan cu ya a haya tratamento di estilo di bida pa adopta habitonan di comemento mas saludable y aumenta actividad fisico, y pa ken esaki no a



traha. Solamente adolescentenan cu ta casi cla di crece ta eligible.

Despues di operacion, yama operacion bariatrico, pash-

entnan lo keda bao tratamiento intensivo pa al menos cinco aña.

François van Dielen, un ciru-

hano ciatrico na Maxima MC ken a conduci un estudio Hulandes den reduccion gastrico den adolescente, a conta RTL Nieuws cu a operacion ta explicitamente diseña pa ta e ultimo opcion. “Nos ta opera facilmente,” el a bisa. Pero e operacion aki ta necesario pa un grupo chikito di adolescentenan cu ta sufrir di obesidad asina severo cu nan salud ta na riesgo caba. “Pa e grupo chikito aki, operacion di stoma por resulta den miho calidad di bida y un futuro mas saludable.”

E hecho cu seguro basico ta cubri e operacion aki pa algun adolescente ta un “logro

importante,” segun Antia Vreugdenhil, un especialista pediaterico y profesor na Maastricht UMC+ y fundador di Center for Overweight Adolescent and Children’s Healthcare, a conta e emisora. Segun e, obesidad severo ta afecta e hobennan aki tanto mentalmente como fisicamente cu esaki ta pisa mas cu riesgonan di operacion.

“E no ta trata solamente operacion, pero tambe henter e proceso di evalua y sostene adecuadamente e hobennan involvi. E ta un bon stap pa por ofrece e muchanan aki cu ta severamente malo,” el a bisa.

Companionan Hulandes a importa droga sintetico peligroso cu balor di €2 biyon for di India

(NLTimes) - Companianan Hulandes a importa droga sintetico peligroso for di India cu un balor den mercado ilegal di casi €2 biyon entre 2019 y 2025, segun un investigacion di NOS y Follow the Money. 30 importador Hulandes a logra facilmente contrata laboratorio na India pa copia moleculenan di substancianan prohibi pa despues bende nan na Hulanda cu ganashi enormemente halto, segun investigadornan. Entre e substancianan tin stimulantenan Indio, substancianan similar na ketamina y e asina yama “droga zombie” flakka.

NOS y Follow the Money a descubri mas cu 700 pedido di materia prima pa droga sintetico, producto cla pa uso y substancianan usa pa corta droga. E pedidonan tabata cubri un total di 153.000 kilo di substancia. Segun investi-



gadornan, hopi di e substancianan aki ta ser bendi for di Hulanda na clientenan den exterior.

E comerciantenan Hulandes a paga cerca di €46.2 miyon pa e 153.000 kilo di substancia. Segun calculacionnan di NOS y Follow The Money, basa riba e balor di e droga-

nan riba mercado online, e comerciante Hulandesnan a bende nan pa casi €2 biyon, cu ta representa un ganashi gigantesco.

comercio di droga sintetico ta asina lucrativo cu bendidornan ta sigui cu nan actividad toch despues cu nan a ser descubri. Por ehempel,

na luna di april, autoridadnan NVWA y e Inspeccion pa Cuido di Salud y Hoben a cera 43 website cu tabata ofrece droga sintetico. Segun combersacionnan cu fuente den e mundo aki, esaki tabatin poco efecto. “Pa loke mi sa, ni un solo proveedor no a para completamente,” un dealer a declara. Hopi bend-

edor simplemente a habri un website nobo for di exterior, mientras cu otro a move nan benta pa canalnan riba aplicacionnan manera Signal y Telegram.

Droga sintetico, tambe conoci como kimiconan pa investigacion of substancianan psicoactivo nobo, ta un termino colectivo pa substancianan cu ta casi identico na droga ilegal. Pa motibo cu nan ta diferencia solamente un poco di e droganan cu ta riba e Lista di Opio, ainda nan no ta prohibi oficialmente y por drenta Hulanda legalmente.

Segun e Centro Nacional di Informacion di Venenamento, e substancianan aki por ta hopi peligroso. Hopi di e substancianan importa for di India ta relaciona cu adiccion, batimento di curason acelera, presion halto, infarto, psicosis, coma, daño cerebral, atake epileptico y den algun caso hasta morto.

Esther Ouwehand ta retira como lider di Partij voor de Dieren despues di siete aña

(NLTimes) - Despues di casi siete aña como lider di Partij voor de Dieren, Esther Ouwehand a anuncia cu e ta retira como lider di e partido. Aunke cu e ta laga e funcion di lider, e lo sigui sirbi como miembro di Tweede Kamer. Awor e fraccion parlamentario di e partido lo ser lidera pa Christine Teunissen, kende ta tuma lugar di Ouwehand como lider di fraccion.

Segun Ouwehand, e ta retira paso e partido a drenta un fase nobo. “Cu mi a logra tuma e decision aki, y cu un lider fuerte y cu hopi experiencia manera Christine ta cla pa tuma cargo, ta mostra cu nos partido awor ta madura y saludable.”

Su periodo como lider a ser marca pa turbulencia interno, incluyendo conflicto den partido, un intento di e directiva pa reemplas’e como candidato principal, y un division den e fraccion di Senado. Ouwehand a bisa cu su manera di traha “a encontra resistencia di un grupo chikito di hende den e partido. E tabata un lucha cu a bale la pena pa hiba, pero tambe el a



exigi hopi di mi.”

“Mi ta sumamente contento cu e apoyo enorme cu mi ta sinti di Esther y di resto di e partido,” Teunissen a bisa. “Partij voor de Dieren ta mas necesario cu nunca. Esaki ta un momento decisivo. Ta precisamente awor ta absolutamente esencial pa nos sigui para firme pa tur loke ta vulnerable.” Anteriormente, Teunissen a reemplasa Ou-

wehand varios biaha como lider parlamentario ora cu Ouwehand tabata malo.

Poco despues cu Ouwehand a bira lider di e grupo parlamentario na 2019, presidente di partido Sebastiaan Wolswinkel a ser saca for di su puesto. E tabata pidi un discusion tocante e direccion strategico di e partido despues cu miembro di Parlamento Femke Merel van Kooten a

laga e fraccion mientras cu el a keda cu su asiento den Parlamento. Na e momento ey, Ouwehand a insisti cu no tabatin necesidad pa un debate tocante e rumbo di partido.

Mas despues, Ouwehand a subi pa bira tanto lider di partido como candidato principal. Den preparacion pa eleccion tres aña despues, e directiva di partido inesperadamente a purba bah’e como

candidato principal, alegando preocupacionnan tocante integridad. Finalmente Ouwehand a gana e conflicto interno ey. Sinembargo, tensionnan den e fraccion parlamentario a continua, resultando den e salida di Leonie Vestering for di e fraccion.

Nico Koffeman tambe tabata involucra den e lucha interno pa poder. E tabata contra e intento di Ouwehand pa profesionalisa e partido y acerc’e mas na responsabilidnan di gobernacion. Aña pasa, Koffeman a separa di e partido solamente pa un siman prome cu eleccion. E tensionnan a ser alimenta pa desacuerdonan tocante e apoyo di e grupo parlamentario pa aumenta gastonan di defensa, algo cu a provoca un debate mas amplio dentro di e partido.

E partido a logra retene su tres asiento den eleccion. Ouwehand ta den Parlamento pa alrededor di 20 aña caba, y awor su meta ta pa logra cu legislacion pasa den ambos camara Parlamentario pa pone fin na criamento di bestia intensivo y pa reduci sufrimento di animalnan durante matamento.

Colegio di Abogado di Corsou ta aclara posicion tocante propuesta di Ley di Extradicion di Reino

(Curacaochronicle) - Colegio di Abogadonan di Corsou a aclara cu comentarionan presenta durante consultanan riba e propuesta di Ley di Extradicion di Reino pa Aruba, Corsou y Sint Maarten no mester ser interpreta como un posicion oficial di e organisacion.

Den un declaracion, Colegio di Abogadonan a bisa cu un impresion incorrecto a surgi cu e organisacion a tuma formalmente un posicion tocante e rol constitucional di Gobernador dentro di proceso di extradicion.

Segun e organisacion, su involucracion tabata limita na recopilacion y comparti comentarionan for di aboga-


donan cu a participa den e proceso di consulta rond di e propuesta di legislacion.

Colegio di Abogadonan a splica cu gobiernonan y otro institucionnan frecuentemente ta busca su aporte tocante leynan proponi. Den algun caso, e organisacion ta adopta un posicion oficial, mientras den otro caso e ta sirbi como un plataforma por medio di cual profesionalnan legal por comparti nan experticio y experiencia practico.

E consulta tocante e propuesta di Ley di Extradicion di Reino a cay den e ultimo categoria, e asociacion a bisa.



E propuesta di Ley di Extradicion di Reino tin como intencion modernisa y harmonisa procedementonan di extradicion pa Aruba, Corsou y Sint Maarten. E propuesta ta keda bao consideracion.



A recent debate about salaries in Aruba sparked important questions about income, affordability, and opportunity. Yet perhaps the most important question isn't why salaries are what they are today. Perhaps it is this:

But:

What industries will create Aruba's next generation of higher-income careers?

Tourism remains Aruba's economic engine. Reports show its increasing % of GDP (>90% of economic activity). These figures highlight both the strength and the reality of Aruba's economy. Tourism has created employment, investment, and prosperity for decades and will continue to play a central role in Aruba's future. However, they also raise an important strategic question.

If much of our economic growth is tied to a single industry, where will the next generation of high-income opportunities come from? Historically, the path to higher earnings was relatively straightforward. Education led to a profession. Experience led to promotion. Promotion led to higher compensation. While that path still exists, the global economy is changing.

Some of the fastest-growing industries today are built not on physical assets, but on intellectual property, digital communities, content, and attention. I am sure a few parents have now understood after hearing the thousands

saying Speed, Speed, Speed in a few Caribbean islands!

Now consider sports.

For decades, sports teams were viewed primarily as entertainment businesses. Today, many investors view them as media companies. The value of sports franchises has exploded over the last twenty years. According to Forbes, the average NFL franchise is now worth approximately US\$7.1 billion, while the Dallas Cowboys alone are valued at roughly US\$13 billion. These valuations are not driven solely by ticket sales. They are driven by media rights, sponsorships, content, intellectual property and global audiences.

The same transformation is occurring across gaming, media, and entertainment.

Many people still think of gaming as simply playing video games; however, investors see something very different. They see global audiences, content, sponsorship opportunities, inventory, events, communities to name a few. In a nutshell, they see business models. The global video game industry generated approximately US\$200 billion in revenue in 2024/25, making it one of the largest entertainment sectors in the world. More importantly, gaming is no longer just a product. It is an ecosystem.

A perfect example emerged just days ago when 007 First Light, the latest James Bond video game, sold more than 1.5 million copies within its first

24 hours of release, making it the fastest-selling title in developer IO Interactive's history.

Most people see a video game but business leaders see intellectual property that has been monetized across generations.

The game is not the business. The audience is.

Perhaps the most interesting example comes from the creator economy. Earlier this year, YouTube creator iShowSpeed completed a highly publicized Caribbean tour and shortly afterward, he released a World Cup-themed song called "Champions," leveraging his audience, his brand, and the momentum generated by that tour. It gained more than 40m views across platforms in less than 24hrs.

Again, the lesson is not about music. It is about attention.

A creator can now build an audience, launch content, attract sponsors, generate advertising revenue, sell merchandise, and influence consumer behavior at a scale that was previously reserved for traditional media companies. This is why many analysts describe the modern economy as an attention economy. Attention attracts audiences. Audiences attract advertisers, sponsors, subscribers and investors. Ultimately, attention generates revenue.

For Aruba, this presents an interesting opportunity.

In a previous analysis, I estimated that Aruba may have approximately 16,000 active gamers. While gaming is often viewed as recreation, that figure highlights something larger: digital entertainment is already a meaningful part of how younger generations spend their time, consume content, and build communities.

The opportunity is not necessarily becoming a professional gamer.

The opportunity lies in the careers being built around gaming, sports, media, and entertainment.

Professions range from Video editors Content creators to data analysts. These are increasingly global careers. Think of it like this...

A talented video editor in Aruba can work for a creator in Miami while a graphic designer can support a sports organization in New York.


The common denominator is not gaming, sports or entertainment. **The common denominator is attention and the ability to create value around it.**

To conclude, tourism will remain Aruba's economic foundation. I believe future growth and the next generation of economic opportunity may increasingly come from industries built on creativity, technology, media and intellectual property.

The objective should not be to replace tourism. Tourism will continue to be the foundation of our economy. The opportunity is to complement it.

As Aruba continues discussing salaries and economic opportunity, perhaps the conversation should move beyond the jobs that exist today and begin considering the industries that are shaping tomorrow.

The next generation of higher-income careers may emerge not only from traditional sectors, but from the intersection of technology, sports, media, gaming, entertainment and the business of attention.



Kwesi Charles is a corporate finance and strategy executive, writer, and entrepreneur. With over 15 years of experience spanning finance, investment

management, private equity, consumer finance, and business transformation, he brings a unique perspective to the forces shaping modern business. His writing explores where boardroom strategy meets fan culture, examining the intersection of finance, sports, gaming, media, entertainment, technology, and the economics of attention.

Continue the Conversation

Follow Kwesi Charles on LinkedIn and subscribe to Inside the Mind on Substack (kwesiinsidethemind) for more insights on business, sports, gaming, media, entertainment, technology, and the economics of attention.

Chile ta move pa extende detencion di migrantenan te 180 dia

(AFP) - Gobierno di Chile a bisa diahuebs cu e lo move pa extende e periodo di detencion pa migrantenan indocumentado, condena pa un crimen, for di 5 te 180 dia mientras nan ta warda deportacion.

Presidente di derecha, Jose Antonio Kast a ser eligi aña pasa riba un promesa pa saca for di e pais un cantidad calcula na 330.000 migrante irregular, kende e ta culpa pa aumento di crimen.

Den su prome discurso tocante estado di e nacion riba dialuna, el a bolbe na su topico di campaña di control migratorio mas fuerte, aumento di expulsion y periodonan di detencion extendi.



Minister di Seguridad, Martin Arau a bisa diahuebs cu gobierno lo introduci un

proyecto di ley cu lo permiti migrantenan sin documento, cu comete crimen, keda rete-

ni durante 180 dia pa facilita nan deportacion. Actualmente, solamente mi-

grantenan cu comete crimen ta ser deporta.

Sinembargo, gobierno ta promove un proyecto di ley pa haci entrada ilegal na Chile un crimen — actualmente e ta ser considera solamente un delito menor — loke lo haci tur migrante irregular candidato pa posible deportacion.

Gobierno ta spera cu mayoria di migrante lo auto-deporta en bes di core riesgo di keda aresta y saca for di e pais.

Kast riba dialuna atrobe a busca stimula salida voluntario, primintiend pordona multa cu actualmente ta ser imponi pa entrada ilegal y laga porta habri pa nan bolbe legalmente den futuro.

Con gangnan a tuma control di minanan di Venezuela

(AFP) - Inversionistanan a celebra ora Venezuela a habri su reservanan mineral vasto pa capital priva na april, pero control di gangnan riba hopi mina por resulta di ta un obstaculo poderoso.

E pais Sur Americano, cu ta pasando door di un transformacion profundo despues di derocamento pa Merca di e lider isquierdista Nicolas Maduro na januari, tin e reservanan comproba di petroleo mas grandi na mundo.

Pero tambe e ta rico den oro, diamanta, bauxita y coltan, un mineral esencial pa tecnologia y defensa cu ta ser clasifica como critico pa potencionan Occidental, como tambe teranan raro - 'rare earths'.

Actividad minero ta concentra den un area vasto cu ta cubri 112.000 km2 den e parti oost, conoci como Arco Minero di Orinoco, pero tambe tin mina den estadonan Amazonas y Bolivar den sur.

Liseth Boon, autor di "Oro malandro", tocante e areanan minero sin ley di Venezuela, a yama e oro extrai na Venezuela "oro di sanger" — un alusion na e "diamantan di sanger" haya den zonanan di conflicto na Africa.

Casi tur actividad minero Venezolano ta controla pa gang of pa guerilla for di bisia Colombia, cu ta yama nan mes "sindicato" y ta impone un regimen di miedo.

"E sindicatonan ta controla tur cos, e ta complica," un muhe cu ta biba den un area controla pa gang a conta AFP bao condicion di anonimato.

Hues y hurado

Expertonan di seguridad ta bisa cu e "sindicatonan" ta acumula cantidadnan grandi di placa door di extorsiona



residente y trahadornan.

Den algun area, nan ta actua como ley, arbitrando disputa entre bisiñanan y repartiendo golpi como castigo, of hasta tortura presunto autornan di crimen incluyendo violacion y asesinato.

Y ainda asina algun residente di El Dorado, un pueblo minero di oro situa den curason di e Arco Minero, ta aprecia nan presencia, un habitante a conta AFP.

"Prome, si bo haya un pida grandi di oro, otro minero por a mata bo p'e... Awo tur hende ta evita haci cosnan malo," el a conta AFP na Caracas. El Dorado ta controla pa un gangster conoci solamente pa su prome nomber, Fabio, un figura tipo Pablo Escobar cu a gana simpatia di habitantenan local pa medio di actonan di caridad.

"Ora un hende ta malo, e ta firma un papel y e persona ta bay botica y ta haya tur cos cu e tin mester. E ta cumpra remedi pa hospital, renoba cancha di futbol, laga asfalta caminda y cumpra cuminda pa residente y maestronan," e residente a bisa.

El a agrega cu e "sindicatonnan sa cu nan no mester toca companianan minero stranhero" y en bes di esey ta extrae y contrabanda nan propio oro via Brazil y Colombia, mescos cu mineronan artesanal, cu ta representa un parti grandi di actividad minero.

Un rapport di 2025 di e capitulo Venezolano di ONG anti-corupcion Transparency International a calcula cu gruponan arma "conecta cu autoridadnan" ta controla 20 porciento di produccion anual di oro na Venezuela.

A calcula cu 66 porciento di alrededor di \$5,5 biyon genera pa minería cada aña tabata controla pa elitenan politico cu ta traha den complicidad cu crimen organisa pa medio di "aliansanan strategico" publico-priva poco transparente.

"Nos no conoce e criterionan usa pa Estado pa kies partnernan, nan obligacionnan, duracion di e acuerdonan, nivel di produccion, e contratonan ni e cantidad di mineralnan," Transparency International a bisa.

E organizacion a bisa cu den e ultimo 10 aña produccion di oro a aumenta, pero entrada di oro di Estado no a au-

menta.

Espacio bashi den era di Chavez

Gangnan a cuminsa tuma control di minanan na Venezuela despues cu e lider socialista fayecido, Hugo Chavez a suspende tur concesion minero stranhero na 2011, Boon a bisa.

"Tabatin un espacio. Ta e momento ey, e sindicatonnan a cuminsa dreña cu forsa," el a bisa.

E bataya pa control di entrada di minería a costa decenas di bida den e ultimo decada. Den un di e incidentenan individual mas grave, a tira mata 17 minero y a dera nan curpa den un graf comun den pueblo oriental di Tumeremo na 2016. Pero asenatonan aisla tambe ta comun.

Boon a acusa Estado di ta complice den e ausencia di ley.

"Un sistema criminal di gobernacion a keda instala... cu acuerdonan tacito entre e sindicatonnan y Estado," el a acusa.

E centro di investigacion Insight Crime, cu ta investiga crimen organisa den continente Americano, tambe a adverti tocante "control profundo" di e sindicatonan.

El a duna e chempel di e sindicato di Las Claritas den estado Bolivar, cu el a acusa di cobra un "impuesto" riba actividadnan minero y extorsiona minero y comerciante pa placa di proteccion, yama "vacuna".

Boon a acusa e gangnan di mantene poblacionnan local den un estado di "sclavitud moderno" y a bisa cu un voluntad politico fuerte lo ta necesario pa saca nan for di e lugar.

Trinidad y Tobago ta gana asiento den Consejo di Seguridad di UN cu apoyo masivo

(TrinidadExpress) - Trinidad y Tobago a logra un asiento no permanente den Consejo di Seguridad di Nacionnan Uni (UN) pa e periodo 2027-2028, despues di ricibi un apoyo contundente di paisnan miembro. E victoria diplomatico aki ta marca e regreso di e pais na e foro di decision mas importante di UN despues di mas cu dos decada.

Segun ministerio di Asuntonan Exterior y CARICOM, Trinidad y Tobago a ricibi apoyo di 181 di e 190 pais cu a vota durante e eleccion cu a tuma lugar ayera na sede di Nacionnan Uni na New York. Esaki a supera e mayoria di dos tercera parti cu tabata necesario pa logra eleccion.

Gobierno a describi e resultado manera un logro importante bao di liderazgo di prome minister Kamla

Persad-Bissessar. Nan a subraya cu e campaña a ser lansa durante Asamblea General di Nacionnan Uni na september 2025 y cu el a inclui contacto diplomatico intensivo cu lidernan mundial.

Den un comunicado, e ministerio a bisa cu e victoria ta reflesha Trinidad y Tobago su compromiso cu cooperacion internacional y su esfuerzo pa promove paz y seguridad mundial.

E campaña di e pais tabata basa riba e lema “Construyendo Consenso pa Realizacion di Paz y Seguridad Sostenibel” y a enfoca riba tres prioridad principal: Combati trafico ilegal di arma; Promove e agenda di muher y mucha muhe den e tema di paz y seguridad; Trata e impacto di inteligencia artificial riba seguridad mundial.

Conseho di Seguridad ta e organo di UN responsable

pa mantene paz y seguridad internacional. E tin autoridad pa tuma decisionnan obligatorio riba temanan manera conflicto di arma, sancion, misionnan di mantenimiento di paz, medida contra terrorismo y crisis humanitario.

Como miembro no permanente, Trinidad y Tobago lo tin derecho di voto riba resolucionnan di e Consejo di Seguridad y lo participa directamente den deliberacionnan tocante algun di e desafionan di seguridad mas urgente na mundo.

Funcionarionan gubernamental a indica cu e asiento lo fortalece influencia diplomatico di Trinidad y Tobago y lo ofrece un plataforma pa defende interesnan di Estadonan Insular Chikito den Desaroyo (SIDS) y di region Caribe en general.

Esaki ta e di tres biaha den historia cu Trinidad y Tobago



ta forma parti di e Consejo di Seguridad. Anteriormente, e pais a sirbi den e conseho durante e periodonan 1985-1986 y 2002-2003. E mandato nobo lo cuminsa dia 1 di januari 2027 y lo termina dia 31 di december 2028.

E ministerio a indica cu e candidatura exitoso ta demostra capacidad di e pais pa crea consenso internacional y lo habri oportunidad pa aliansanan diplomatico mas fuerte y participacion mas activo den asuntonan mundial.

Trinidad y Tobago a competi pa e asiento asigna na e Grupo di Latino America y Caribe (GRULAC), mientras cu eleccion a ser realiza tambe pa asientonan representando Africa, Asia-Pacifico y e Grupo di Europa Occidental y Otro Paisnan.

Awor cu e eleccion a conclui, ta spera cu Trinidad y Tobago lo cuminsa preparacionnan pa su regreso na Consejo di Seguridad, caminda e lo join 14 otro estado miembro pa aborda asuntonan cu ta afecta paz y seguridad internacional.

Manifestantenan na Mexico a drenta edificio di gobierno varios dia prome cu Mundial di Futbol

(AFP) - Manifestantenan na Mexico a drenta un edificio di gobierno diaranon, solamente varios dia prome cu e apertura oficial di e Mundial di Futbol, mientras presidente Claudia Sheinbaum a insisti cu e no lo “cay den e trampa” di reprimi manifestacionnan.

Un grupo separa di sindicato di maestro CNTE a organisa manifestacionnan masivo den e dianan prome cu e torneo di futbol mas grandi di mundo, cu lo cuminsa dia 11 di juni na e Estadio Azteca na Ciudad de Mexico.

Manifestantenan a usa palonan di luz publico pa forsa nan entrada den e sede principal di ministerio di Educacion na e capital.

Fuentenan cercano di e ministerio a informa cu manifestantenan a causa daño na un casita di seguridad y a kibra varios bentana. Imagennan transmiti via television Mexicano tambe a mostra un candela chikito den e lugar.

Mas trempa e mesun dia, Sheinbaum a declara cu e no lo “cay den e trampa” di tuma accion represivo contra man-



ifestantenan, net den e dianan prome cu e campeonato mundial di futbol cuminsa, cual ta ser organisa conhuntamente pa Merca Canada y Mexico.

“Nan kier nos recurri na represion den e periodo prome cu Mundial,” Sheinbaum a declara durante su conferencia di prensa diario, agregando cu su gobierno no lo sigui e caminda ey.

Maestronan cu tabata manifesta a tira abao estatuanan grandi di hungadornan di futbol situa riba e plaza principal di e capital. E grupo tambe a menasa cu nan lo sigui cu accionnan di protesta durante e Mundial si gobiernu no contesta nan demandan laboral.

Dialuna, polis a usa gas lag-

rimogeno contra un grupo di maestro pa stopnan di yega Plaza Zocalo, e plaza principal di Ciudad de Mexico, unda actualmente e area di “Fan Fest” pa Mundial di 2026 ta ser construi.

Sinembargo, diamars autoridadnan no a interвени ora cu manifestantenan a tira abao cinco estatua di futbol cu tabatin un altura di cinco meter.

Sheinbaum a haci un yamado pa dialogo cu e manifestantenan, cu ta exige un aumento salarial y eliminacion di un ley di pensioen.

Gobierno a yega un acuerdo cu CNTE pa un aumento salarial di 9%. Sinembargo, esaki ta hopi leu di e aumento di 100% cu e grupo di educadornan ta reclamando.

Representante di Merca na Haiti por laga su puesto pa bira embahador na Kenia

(DiarioLibre) - Henry T. Wooster, representante di Merca na Haiti, lo por laga su cargo pronto como representante di negoshi na Embahada Mericano despues cu e Cas Blanco (White House) a nomin’e pa sirbi como embahador na Kenia.

Cas Blanco a confirma cu Wooster, un diplomatico di carera cu rango di Ministr Conshero, ta entre e candidatonan presenta na e Senado Mericano pa aprobacion oficial. E posible salida di Wooster ta yega apenas un aña despues cu el a asumi liderazgo di Embahada di Merca na Puerto Principe. Desde juni 2025, el a hunga un papel impor-

tante den e politica di Washington pa enfrente e crisis politico y di seguridad cu ta afecta Haiti.

Cu experiencia den operacionnan special y servicio exterior, Wooster a ricibi responsabilidad amplio pa coordina e enfoko Mericano na Haiti. Durante su mandato, Washington a sigui pone enfasis riba seguridad, a pesar di recorten den asistencia humanitario y cambianan den USAID.

Si su nombramento pa Kenia ta confirma, su salida lo crea incertidumbre tocante e continuidad di e politica Mericano na Haiti den un momento crucial pa e futuro politico, social y di seguridad di e pais.



Creadornan di contenido Frances ta prepara pa influencia eleccion presidencial

(AFP) - Politiconan kier conoce nan, media kier contrata nan - creadornan di contenido, mira como un clave pa yega na siguidornan hoben, ta preparando pa ta hungadornan den campaña presidencial na 2027.

Sam Zirah, cu mas di 2 miyon suscriptor riba YouTube, prome a haya atencion pa medio di entrevista competidornan di television, pero awo ta invita figuranan politico na su show.

E ta kere cu su entrevistanan, cual ta enfoca mas riba e bida personal di e invitado, ta "complementario" na esnan cu outlet di media grandi ta ofrece.

Eleccion municipal na maart cu tabata un comienso pa e campaña electoral a duna un

bista di kico ta den futuro pa e rol di streanan riba YouTube, Twitch, TikTok y Instagram den e voto pa 2027.

Zirah a entrevista candidatonan pa alcaldia di Paris y a duna pista cu desde e tempo aki e ta sigurando reunion cu gruponan di television prome cu e votacion presidencial.

Su segmentonan, incluyendo cu e ganador, Emmanuel Gregoire, a papia tocante relacionnan personal profundo y tragedianan familiar.

"Lo personal ta politica," e YouTuber a comenta, ken ta den su 30 aña, insistiendo cu su entrevistanan sinembargo no ta suave.

En practica, sinembargo, creadornan di contenido generalmente ta ofrece nan invitadonan un formato mas largo y

preguntanan menos agresivo. E premiacion ta acceso na un audiencia mas hoben.

Mas cu mita di esnan di menos di 25 aña ta cinta rednan social y plataformanan di video como nan fuente principal di noticia, segun un encuesta di regulador di media Arcom, publica den januari di 2026.

Dos di e competidornan principal pa Francia su trabao top ya caba ta yamando bon bini na influencer y rednan social como parti di nan strategia principal.

Ultra derechista Jordan Bardella di partido RN, ken a caba di cuminsa su 30 añanan, ta un nativo di internet cu un base di siguidor amplio.

Su rival ultra isquierdista, Jean-Luc Melenchon, un veterano



di campaña presidencial Frances y lider di partido LFI, a integra creadornan di contenido completamente den su strategia di comunicacion.

Pa Pascal Lardellier, un especialista den comunicacion politico na University of Burgundy Europe, influencernan lo "hunga un rol fundamental" den eleccion presidencial.

Den su punto di bista, nan por "hiba hobennan back na politica," specialmente esnan particularmente probable di no vota.

Outlet di media tradicional, tambe buscando audiencia nobo, ta trahando cada biaha mas cu creadornan hoben.

Noticiero publico France TV tin varios aña colaborando cu HugoDecrypte ken, cu 29 aña, tin 3.7 miyon suscriptor riba YouTube y 5.5 miyon siguidor riba Instagram.

Pa e campaña, canal di television TF1 ya caba a lansa un serie di entrevista politico coproduci cu YouTuber Gaspard G, ken su prome episodio, cu Melenchon, a lansa na comienso di april.

Melenchon, ken nunca ta perde un chens na media tradicional, tin duda di presenta riba television - aunke ta riba TF1 el a anuncia su postulacion presidencial.

Na februari el a cuminsa cu conferencianan di prensa pa media nobo y influencer, cual a resulta den acusacionnan cu e ta "filtrando" reporteronan.

Influencer Anna Baldy, ken ta analisa eventonan actual bao e nomber Grande bavardeuse, tabata entre esnan invita na e conferencia di prensa.

"Nos no ta kens ora cu nos ta invita un caminda," el a bisa.

Figuranan politico "sa cu esaki ta e unico manera pa papia cu hobennan," e graduado di universidad a agrega.

Tambe e ta kere cu influencer, specialmente ora cu nan ta cuminsando, ta mas facilmente mira como facil di manipula compara cu reporteronan di outlet di media estableci.

Baldy ta pensando tocante con e lo cubri e campaña pa 2027, pero ta kere cu e no lo entrevista candidatonan, un ehercicio cu e ta considera un desafio.

"Mi no ta kere mi ta suficiente madura pa haci esey ainda y mi no kier puntra Jordan Bardella si e ta prefera cachu of pushi," el a bisa.

Bardella ta asina ampliamente sigui riba rednan social cu e mes "a bira un influencer," Lardellier a bisa.

RN tambe por conta riba un red di influencer cu ta pasa otro su ideanan, aunke otro nan, manera YouTuber famoso Squeezie, a haci yamado pa blokia e partido den eleccion legislativo na 2024.

Papia ta carga e riesgo di laga afo e siguidornan cu ta vota diferente, cu Zirah Baldy bisando nan no tin plan promove ningun candidato.

Un fuente cercano na e candidato presidencial, ken a papia bao condicion di keda anonimo, a bisa recientemente cu e campaña a ser acerca pa un influencer femenino cu kier impulsa e eleccion cu speransa.

"Awe, sosten manera esey ta hopi mas importante cu esun di cualkier miembro di parlamento," e fuente a conta AFP.

"Creadornan di contenido y media nobo lo forma parti di nos strategia, riba nivel di un outlet manera TF1."

GAIA x  JOHNIE WALKER

AFTER DARK



JOIA
by IBEROSTAR

Timesless Beats by Dj Yeimy
Elevated Cocktails and Refined Indulgence
Fridays from 9PM to 1AM

Reservations trough Opentable.com
GAIA House of Grill | JOIA Aruba by Iberostar
J.E. Irausquin Blvd 230

The largest VINTAGE and ANTIQUES collection in the Carribean



Little Rose
For the love of vintage

Find us at L.G.Smith Blvd. 95
Palm Beach Plaza Mall







Find us on Facebook or
Whatsapp +31 6 10791496

Turkia ta critica Kanye West pa ofende “sensitividadnan spiritual”

(AFP) - Turkia a expresa preocupacion diamars pa motibo di un concierto den fin di siman na Istanbul di Kanye West, cu presencia di casi 120.000

fanatico, bisando cu el a ofende su sensitividadnan spiritual.

E rapper Mericano a mira su show na varios pais Europeo

suspendi y prohibi pa motibo di su remarcacion anti-semitico, sinembargo Turkia, cu mayoria Musulman, su obheccionnan a enfoca otro caminda.

Den un publicacion riba X, President Recep Tayyip Erdogan su consehero hefe Oktay Saral a bisa cu e show tabatin “retorica y simbolo cu ta contra nos fe y balornan civil.”



“E hecho cu dies miles di persona entusiastamente a canta ‘ami ta un dios’ ta algo serio cu ta exige examinacion di cerca,” el a bisa tocante di asabra anochi su show.

“I Am a God” ta Kanye West su cantica di 2013.

E show tabata mas cu djis “un evento musical”, Saral a expresa, señalando e rol di

diseñador Frances Michele Lamy di 82 aña, un persona eccentrico cu tattoo y un estilo gotico, sugeriendo cu e ta “asocia cu ocultismo y simbolonan scur.”

Mas preocupante ta e rol di un “segmento conservativo di sociedad,” el a bisa, urgiendo e ministerio di Turismo tin mas cautela cu e tipo

di eventonan aki cu ta trata e sensitividadnan “cultural y spiritual di nos nacion.”

E rapper a causa rabia amplio den añanan recien pa remarcacion cu ta glorifica lider Nazi Adolf Hitler y pa canticonan antisemitico, cual el a culpa riba su desorden bipolar.

Milagro Gramz ta bisa cu e no por paga \$75.000 cu e debe Megan Thee Stallion

(TMZ) - Milagro “Gramz” Cooper ta bisa cu e obligacion di corte pa e paga Megan Thee Stallion awo lo causa un problema financiero pisa, pues e ta pidi hues federal pone pausa mientras e ta pleita e caso den corte di nivel mas halto.

Segun documentonan di corte nobo cu TMZ a obtene, Milagro kier atrasa e pago mientras e ta apela e decision di corte. E ta argumenta cu te ainda tin aspectonan grandi den e caso cu e ta considera mester evalua.

Sinembargo su argumento mas grandi cu e mocion aki ta centra riba placa.

Milagro ta bisa corte cu e ta un comentarista di media cu ta traha pa su mes y ken su ingreso ta fluctua di luna pa luna. E ta bisa e no tin bi- enes likido substancial y tin falta di recursonan financiero necesario pa inmediatamente cumpli cu e orden.

Milagro ta bisa cu e ta yuda

sostene su hogar y su dos yiu menor di edad y ta bisa cu un pago inmediato ta pone un peso riba su finanzas. E kier pa hues pone un pausa riba cualkier rekisito di pago te ora cu yega un decision den apelacion.

Anteriormente a reporta cu un hues a tuma parti pa Megan den su demanda contra Milagro pa publicacionnan haci relaciona cu Tory Lanez y e sucesonan despues di e rapper su caso di tiroteo. E bataya legal a sigui via un serie di mocion y apelacion despues di e huicio.

Hurado a otorga un compensacion di \$75.000 den daño y cu esaki no ta necesariamente e pago final - bao ley di Florida, Milagro tambe por ser rekeri paga Megan su gastonan di abogado, potencialmente pushando e cantidad mas leu cu e cantidad aki.

Algo cu Milagro ta reconoce den e documento nobo ta cu Megan su ekipo legal ta opone e peticion.



START YOUR DAY IN PARADISE



20% off for locals*

laguna

OPEN DAILY
7 - 11 AM

For reservations +297-526-6612

Extensive Buffet
Air-Conditioned Dining
Your Favorite Breakfast Classics
Wake-Up Cocktails
Outdoor Terrace Dining
A La Carte Breakfast Specialties



Hilton
ARUBA CARIBBEAN
RESORT & CASINO

*Offer is valid for local residents with a local ID. Limited to a maximum of 30 persons. Bottles are not included in this offer.

Polis ta investiga supuesto agresion contra coach na Birmingham

(AFP) - Polis ta investigando un supuesto agresion di parti di un empleado contra coach di hungador di tennis Australiano James McCabe na un torneo di desafio na Birmingham e siman aki.

McCabe a acusa cu e incidente a sucede despues di un disputa entre su tata Patrick, ken tin e funcion di e hoben di 22 aña su coach y un miembro di Edgbaston Priory Club su empleadonan.

E hungador den posicion 234 na nivel mundial a bisa cu e choke ta pa e uso di mal practica riba veld dialuna.

Publicando riba Instagram, McCabe a describi e enfrentamento como un "incidente di seguridad di hungador/coach serio, reporta na polis, na e sitio di e torneo.

"Mi version ta cu el a ser sigui, fisicamente agredi a un empleado y laga cu dolor despues."

West Midlands Police a bisa den un declaracion: "Nos a ricibi un reportahe cu un homber a ser agredi na un sitio na Sir Harry's Road, Birmingham dia 1 di juni. No a haci ningun aresto y investigacionnan ta andando.

McCabe, ken Kamil Majchrzak a saca for di e evento na Birmingham diaranson, tambe a revela cu su tata a bay hospital como motibo di e incidente na e torneo.

Lawn Tennis Association, e cuerpo di gobernacion di hende homber ATP y Edgbaston Priory Club a emiti un declaracion cu ta bisa: "Tin un investigacion andando lidera pa Edgbaston Priory Club cu sosten di ATP y LTA den relacion cu un incidente durante Lexus Birmingham Open dialuna, 1 di juni.

"E incidente aki ta involu-



cra un acusacion haci contra un miembro di Edgbaston Priory Club su empleadonan di parti di un hungador su

coach y actualmente ta bao evaluacion di un oficial di investigacion."

Resultado final Torneo ABC na Curaçao 2026

Resultado final Torneo ABC na Curaçao 2026
Diahuebs dia 28 di Mei, a biaha pa Curaçao 2 team di dam di Aruba pa competi cu Curaçao y Bonaire den un torneo anual di dam. Cada team ta consisti di 2 hungador.

Promer team di Aruba ta Henry Knepe y Octavio Croes y Segundo team di Aruba ta Hector Winterdal y Ricardo Wever.

Nos a biaha cu un team di hoben tambe consistiendo di na promer borchí Kendrick Lue y segundo borchí Henry Lacle.

E encuentro ta di teams contra teams. Hungadornan na borchí 1 ta enfrenta hungadornan di e otro pais na borchí 1, y hungadornan na borchí 2, ta enfrenta hungadornan di e otro pais di borchí 2.

Curaçao y Bonaire tambe a presenta cu 2 team. Asina un team di Aruba a hunga 4 wega (team di e mes un pais no ta topa otro).

Diabierna 2 rond a hunga y diasabra 2 rond. Despues di 4 rond ta conta e matchpoints di e teamnan di e mes pais hunto pa saca e ganador.

Team di Bonaire-1 a score 4 punto y Bonaire-2 5 punto. Total 9 punto
Team di Curaçao-1 a score 3 punto y Curaçao-2 6 punto. Total 9 punto
Team di Aruba-1 a score 6 punto y Aruba-2 0 punto. Total 6 punto



Ora di empate, nos lo check e puntonan individual cu a wordo gescored. Bonaire a score 20 punto individual y Curaçao 18 punto individual.

Asina Bonaire a keda na promer lugar den e encuentro ABC na Curaçao.

Banda di e encuentro pa team, a saca tambe e hungador cu a score mas punto. Esaki a bay pa Aruba su hungador Henry Knepe. Henry a score 7 punto individual, ganando 3 wega y empatando 1 wega.

Segundo lugar a bay pa Chio Feng di Bonaire cu 6 punto. Tercer lugar pa Mijail Eisdén di Curaçao tambe cu 6 punto.

E hobennan tambe a hunga

un torneo di team.

Aruba y Bonaire a biaha cu solo un team di 2 mucha y Curaçao como pais organizador por a presenta cu 2 team.

Team di Aruba a hunga contra e team di Bonaire y e 2 teamnan di Curaçao y na final Aruba a termina na promer cu lugar cu 5 matchpoints y 10 boardpoints.

Segundo lugar a bay pa Bonaire cu 4 matchpoints y 8 boardpoints.

Den encuentronan individual bao di muchanan, tabatin un empate entre Xinglong Feng di Bonaire Kendrick Lue di Aruba y Henry Lacle di Aruba. Nan tur a score 5



punto.

Kendrick Lue y Xinglong Feng a hunga na borchí 1 unda e campeonan di cada pais ta topa otro.

A wordo palabra adelanta cu den caso di empate individual, ta check promer na cual borchí e hungadornan a hunga. Si nan a hunga na e mes un borchí, weganan extra cu menos tempo ta wordo

hunga. Asina Kendrick Lue a hunga wega extra contra Xinglong Feng.

E promer wega a termina den un empate y e segundo wega Xinglong Feng di Bonaire a gana y asina a keda na promer lugar. Kendrick Lue na segundo lugar y Henry Lacle cu a hunga na borchí 2, a keda na tercer lugar.

Autoridadnan ta adverti di estafa pa entrada na Copa Mundial

(AFP) - Estafadornan ta explotando interes den Copa Mundial cu un cantidad di estafa, mientras autoridadnan y investigadornan ta adverti contra websitenan fake di FIFA su presencia online pa bende entradanan fantasma.

Controversia ya caba a surgi alrededor di e cuerpo su ticket oficial pa e Copa Mundial mas grandi na mundo, cual ta cuminsa juni 11 cu un formato expandi di 48 ekipo y 104 wega na Merca, Mexico y Canada.

Cu prijs di entrada sumamente halto lagando varios hende fuera, esnan cu mal intencion ta capitalisando riba fanaticonan desespera buscando ganga fuera di canalnan acredita, usando tecnicnan cu expertonan ta bisa ta representa un "normal nobo" pa eventonan grandi.

FBI a adverti siman pasa contra 3 dozijn di website - cu number manera "fifa-ticket.live" y "fifaworldcup26.sale" - imitando e autentico fifa.com pa horta informacion personal of bende produccionan y entradanan falso.

Firma di seguridad cibernetico basa na Singapur Group-



IB a reporta un decepcion di escala grandi identificando mas di 4.300 website fraudulento imitando esnan afilia cu FIFA cu a registra desde augustus, incluyendo mas di 300 opera pa un solo persona Chines.

Varios website ta drumi, investigadornan a bisa, configura pa activa mientras e competencia ta yega cerca.

Estafadornan ta explota emocion di fanatico, disponibilidad di entrada limita y e miedo di no logra haya un, conociendo hende por baha nan guardia ora cu nan ta sinti exclusividad of tempo ta cortico," Justin Miller, profesor asocia di practica di estudio cibernetico a bisa AFP.

"Criminalnan cibernetico ta sigui atencion, urgencia y placa y Copa Mundial ta na e crusada di tur 3," Miller a agrega, bisando cu websitenan similar ta muestra cu criminalnan cibernetico sofisticada ta considera "mas facil pa imita confiansa na luga di kibra un entrada den seguridad."

E websitenan ta imita fifa.com di cerca, cu e marca oficial di Copa Mundial y partner di pago Visa. Diseño compleho ta laga usuarioonan wak e ofertanan pa e weganan, haci nan seleccion y sigui pa paga.

AFP a mira decenas di aviso cu awo ta inactivo riba Face-



book, den varios idioma dirigiendo usuarioonan na paginan di estafa pa entrada manera "fifa.house."

Compania di seguridad cibernetico basa na Romania, Bitdefender, tambe a bisa cu el a haya 55 estafa y campaña relaciona cu futbol riba Meta su plataformanan, incluyendo promocion pa colectible y productonan falso.

Meta a cuminsa desplega advertencia ora cu usuarioonan di Facebook busca entrada di FIFA y a bisa cu el a desmantela un red di website falso cu ta promove "contenido di wega di placa falso."

Algun website di estafa ta dirigi contra esnan buscando trabao, primintiendo reunion

cu empleadonan di Copa Mundial ken su number y potret a ser tuma for di LinkedIn.

"Un persona ta fraudulentamente usando mi number y potret," un empleado a skirbi riba LinkedIn na april.

Fraude offline tambe ta aumentando. Polis di Toronto a bisa dialuna cu a confisca mas di 16.000 uniform y bandera falso, banda di dos trofeo falso.

Autoridadnan na tur 3 pais a encurasha fanaticonan pa cumpra for di fuentenan verifica, check e websitenan y tene cautela cu promocionnan yamativo riba rednan social.

Speransa pa Copa Mundial na Hulanda a aumenta pero apenas 8% ta spera un victoria



(NLTimes) - Sostén pa Oranje a aumenta remarcablemente prome cu Copa Mundial, cu 63% di fanaticonan awo expresando confiansa den e ekipo.

Un encuesta grandi haci pa

RTL Nieuwspaneel, cu mas di 18.000 sostenedor, ta sugeri cu e sentimiento publico pa cu e ekipo lidera pa Ronald Koeman a mehora considerablemente compara cu añanan anterior.

Confiansa den Hulanda su

ekipo di futbol nacional a aumenta drasticamente, cu 63% di e participantenan awo expresando confiansa den e ekipo. Esaki ta representa un aumento grandi compara cu prome cu e Campeonato Europeo dos aña atras, ora cu solamente 44% a sinti confi-

ansa. 92% di e fanaticonan di Copa Mundial ta anticipa cu Hulanda lo pasa e etapa di grupo confortablemente. Expectativa ta halto, pero ta keda realistico. Solamente 8% di fanaticonan ta kere cu Hulanda lo bira campeon mundial.

Sostenedornan ta identifica 2 hungador como figura central pa Oranje na e torneo. Frenkie de Jong ta mira pa 31% di participante como e ekipo su hungador mas importante, balora pa su habilidadnan tecnico y vision den medio campo. Virgil van Dijk ta elogia pa su compostura, experiencia y liderazgo, particularmente como mentor di e hungadornan mas hoben.

Otro hungadornan frecuentemente menciona como contribuyente clave ta inclui Cody Gakpo, Denzel Dumfries y Donyell Malen, tur ken ta anticipa di hunga un rol importante den e ekipo su

prestacion.

Confiansa den Oranje no ta limita na fanaticonan so, cu modelonan di estadistica y analisis mirando e ekipo como un competidor serio tambe. Segun simulacionnan di OPTA su supercomputer, reporta pa ESPN, Hulanda ta entre e competidornan mas peligroso pa Copa Mundial, cu un chens di 3,92% di lanta e trofeo, poniendo e ekipo riba posicion number 8 en general.



Parlamentario di Reino Uni ta demanda xAI di Musk pa imagen sexualisa

(AFP) - Un legislador Britanico a presenta un caso na Corte Superior di Londres contra xAI di Elon Musk despues cu su herment chatbot Grok a ser usa pa crea imagen sexualisa falso di dje, incluyendo den bikini.

Jess Asato, di Partido Labor gobernante, a bisa cu el a presenta e “demanda na Corte Superior contra xAI, e compania tras di Grok” riba diaran-son.

Grok a provoca indignacion global mas tempran e aña aki door di permiti usarionan crea y comparti potret sexualisa di hende muhe.

Investigadornan a bisa cu el a genera alrededor di tres miyon imagen sexualisa den apenas algun dia.

Asato a bisa cu e ta “apenas un di e miles di muhe y incluso mucha cu a bira victima di deepfake abusivo y sexualisa genera pa AI”.

“Esaki nunca mester a pasa — y mester tene xAI responsable,” el a publica diaran-son riba X, e plataforma di rednan social cu tambe ta propiedad di Musk.

Un popularidad online di deepfake sin consentimiento ta superando esfuerzonan global pa regula e tecnologia, memey di proliferacion di hermentnan di AI, incluyendo app di “nudificacion”, segun expertonan.



Asato a bisa riba X diahuebs cu usarionan di Grok a traha imagen di dje den bikini y tambe a crea un video genera pa AI unda e ta ser abusa sexualmente.

E abuso na januari a bin despues cu el a papia publicamente despues di lansamento di e funcion di edicion riba Grok, desaroya pa startup xAI di e bi-yonario tecnologico y integra den X.

E funcion a permiti usarionan altera imagennan online di personanan real cu instruccionnan simpel di texto manera “pon’e den bikini” of “kita su paña”.

X a reacciona na e controversia bisando cu lo haci cambio pa stop crea-

cion di deepfake sexualisa di mucha y muhe. Pero e scandal a impulsa gobierno y reguladornan rond mundo.

Responsabilidad

Union Europeo a habri un investigacion riba Grok na januari y legislador y paisnan di UE a acorda diahuebs pa prohibi sistemanan di inteligencia artificial cu ta genera deepfake sexualisa.

Algoritmonan di X tambe ta bao investigacion na Francia, mientras reguladornan di media y dato na Reino Uni tambe ta investigando su tecnologia.

Papiano den parlamento na januari, Asato a bisa cu AI ta ser usa pa “humilia y sexualisa muhenan”.

“Mi tambe a haya mi propio trato y a ser laga den bikini pa AI riba X. Hopi menos cu loke hopi victima a sufri, pero un recordatorio di loke miles di muhe ta enfrenta diariamente,” el a bisa.

AWO, un compania di abogado cu ta representa Asato, a bisa cu su demanda contra xAI ta pa “violacion di ley di proteccion di dato y mal uso di su informacion priva, buscando responsabilidad for di xAI”.

Su abogado, Ravi Naik, a bisa cu AI no mester haya excepcion di consecuen-cianan legal ora e causa “un daño” y ley mester ofrece un remedio.

“E contenido aki a existi pa motibo di decisionnan di diseño haci pa ingenieronan na xAI. E ta construi deliberadamente,” el a bisa.

“Grok a ser diseña den un manera cu a permiti creacion di imagennan sexualisa, misogino y sin consentimiento di muhenan — y e resultado ey tabata un decision, no un fayo tecnico.”

El a bisa cu e caso lo ta “un di e prome demandanan pa test responsabilidad pa diseño di un sistema di AI”.

“Nos ta spera cu esaki lo haci claro na desaroyadornan di AI cu seguridad no por ta un pensamiento posterior,” el a bisa.

Supervisor nuclear di Nacionnan Uni ta lanta temor di “proliferacion” tocante sitionan na Iran

(AFP) - Agencia nuclear di Nacionnan Uni a reafirma den un rapport confidencial, mira pa AFP riba diahuebs, cu falta di acceso na material nuclear di Iran ta representa un “preocupacion di proliferacion” y a yama Teheran pa actua “constructivamente”.

Agencia Internacional di Energia Atómico (IAEA) no a mira ningun actividad na sitionan nuclear clave, husgando for di imagen satelital, desde cuminsamento di guerra den Medio Oriente, un fuente diplomatico a bisa.

Pero IAEA no tabatin acceso na algun facilidad nuclear clave na Iran desde cu Israel, hunto cu Merca, a duna inicio na un conflicto di 12 dia na juni 2025 cu a inclui atake contra sitionan nuclear.

Facilidadnan nuclear tambe a ser ataca den e guerra cu a cuminsa riba 28 di februari.

IAEA rípidamente a urgi acceso.

Segun un rapport di CNN riba diadomingo, imagen satelital ta muestra cu Iran a desblokea 50 di e 69 entrada di tunnel bombardea pa Merca y Israel na 18 facilidad subteraneo di misil.

Un fuente diplomatico a bisa cu IAEA no a detecta “ningun movimiento mas” na sitionan clave, manera Isfahan y Natanz, desde comienso di e guerra.

Den su rapport, IAEA a bisa cu el a haci un inspeccion e siman aki na planta nuclear di Bushehr, pero no na otro sitionan.

E planta di Bushehr a ser construi y opera cu asistencia Ruso pa proposito civil, pero a ser ataca den e guerra.

Sin retraso

“Mientras e agencia a reconoce cu e atakanan militar riba facilidad y sitio nuclear di



Iran a crea un situacion sin precedente, ta critico pa e agencia conduci actividadnan di verificacion na Iran sin retraso,” IAEA a bisa den e rapport.

E rapport lo ser discuti na un reunion di hunta di gobernadornan di IAEA otro siman. Prome cu atakanan di Merca na juni 2025, IAEA a calcula cu Iran tabatin aproximadamente 440 kilogram di uranium enrikeci te 60 por ciento, loke ta cerca di e 90 por ciento

necesario pa traha un bomb y hopi ariba e limite di 3,67 por ciento establece pa un acuerdo di 2015 cu awo no ta vigente mas cu Iran.

Desde juni 2025, destino di e reserva aki a keda incierto.

“Falta di acceso di e agencia pa verifica e uranium altamente enrikeci y uranium cu enrikecimiento abao anteriormente declara durante casi un aña — loke ta mucho atras segun practicanan standard di

salvaguardia — ta un asunto di preocupacion di proliferacion,” e rapport a agrega.

Hefe di IAEA, Rafael Grossi “ta yama Iran pa compromete su mes cu e agencia di manera constructivo pa facilita implementacion completo y efectivo di salvaguardianan na Iran,” e rapport a agrega, evocando e “urgencia maximo”.

Israel y Merca durante hopi tempo a acusa Iran di kier construi un arma nuclear, cu presidente Donald Trump presentando e menasa ey como hustificacion pa ataca Iran.

Trump a insisti cu Iran mester acepta den cualkier acuerdo pa pone fin na e guerra cu e no lo tin un arma nuclear y cu lo destrui e uranium.

Teheran rípidamente a nega cu e tin cualkier ambicion militar, insistiendo riba su derecho na e tecnologia pa propositonnan civil.

Accidente entre 4 vehiculo cu hende herida

Diamars atardi a drenta informe di un accidente entre cuatro vehiculo cu hende herida riba caminda entre aeropuerto cu Mahuma, mesora a dirigi patruya na e sitio.

Na yegada di patruya na e sitio a bin constata cu aki ta traha di un accidente entre cuatro vehiculo. Segun por a compronde lo tabatin un vehiculo cu a bolter huma preto y limita vision riba caminda. Esaki a causa cu un auto a dal tras di un suv. Tambe un pickup lastrando un trailer a




dal un otro suv y pega esaki den e median. Tres persona a resulta herida den e accidente aki. Ambulance a presenta na e sitio y a atende cu e heri-

donan. E suv cu a haya auto dal su tras a dal contra otro vehiculo grandi cu lo a sigui core bay.



Auto cu a dañ a tranca trafico riba Green Corridor



Diamars net durante e oranan "peak" un auto a dañ net na e banda links di caminda.

Esaki a causa un stagnacion

den trafico perhudicando automobilistanan yega na nan destino na tempo. P'esey hopi hende a keda rabia cu e trafico a bay poco poco.

Durante control rutinario polis a para un taxi pirata

Diamars atardi patruya pasando den Maria Christinastraat a para un vehiculo pa un control rutinario.

Durante e control e chauffeur a resulta di ta un persona indocumenta cu lo tabata eherciendo trabao di taxi pirata. Mesora a detene e persona y a confisca su vehiculo. Takelwagen a bini na e sitio y a hiba e auto pa warda. Vehiculo di transporte a bini na e sitio y a transporta e detenido indocumenta.



Un UTV 4x4 a pasa dal un peaton net den e birada di Boca Catalina

Diamars atardi a drenta informe di un accidente cu hende herida na e Boca Catalina panort, mesora a dirigi tanto polis como ambulance na e sitio.

Na yegada di e patruya a bin compronde cu net na e birada un UTV a baha caminda dal un peaton cu tabata na banda. Na yegada di e ambulance nan a atende e victima y hib'e cu urgencia pa hospital.



Chauffeur a bay dal tras di auto na Ponton



Diamars atardi a drenta informe di un accidente na Ponton, mesora a dirigi un patruya na e sitio.

Na yegada di e patruya a bin compronde cu aki ta trata

di un accidente unda cu un chauffeur no a regula su velocidad ni a mantene distancia y a bay dal tras di e auto su dilanti. Afortunadamente ningun hende a resulta herida.



Dia Mundial di Medio Ambiente 2026: Un yamada urgente pa 'Accion Climatico' cu efecto bisto pa Aruba

Dia 5 di juni, mundo ta uni pa celebra Dia Mundial di Medio Ambiente 2026. E aña aki, e focus principal ta dirigi riba "Accion Climatico" (Climate Action), un tema cu ta resona fuertemente cu e realidad di nos isla, Aruba, caminda e efectonan di cambio di clima ta cada bes mas bisto. Directie Natuur en Milieu (DNM) tin e encargo pa informa comunidad di e dianan observa y con esakinan tin lasonan directo cu efecto pa nos comunidad di Aruba.

Estableci pa Nacionnan Uni na aña 1972, Dia Mundial di Medio Ambiente tin como meta pa lanta conscientisa-

cion y stimula accion global pa proteha nos planeta. E aña aki, e pais anfitrión di e celebracion oficial ta Azerbaijan (den e ciudad di Baku), un pais cu ta liderando como ehempel door di compromete na reduci emisionnan cu 40% pa aña 2035 y inverti fuertemente den proyec-tonan masivo di energia solar y alternativo sostenibel.

Dicon "Accion Climatico" ta crucial pa Aruba?

E tema di e aña aki ta señalnan di advertencia cu nos planeta ta dunando, manera subida di nivel di lama, temporada di calor extremo, y asina por menciona mas. Pa un isla vulnerabel den Caribe



manera Aruba, e menasanan aki no ta leu di cas. Cambio di clima tin un impacto directo riba nos coralnan, nos

costa, nos turismo y nos bida diario.

Sinembargo, e enfoke no ta djis riba e listanan di peligro, sino riba e solucionnan cu ya caba ta den nos man, manera transicion pa energia renobabel, urbanisacion sostenibel, y conservacion y restauracion di nos ecosistemanan natural.

Con abo por contribui for di Aruba?

Medio ambiente mundial ta un responsabilidad comparti. Pa e motibo aki, ta haci un yamada na cada ciudadano, scol, organisacion y empresa local pa transforma conscientisacion den accionnan concreto.

Aki tin algun forma con bo por participa:

Reduci, Reusa y Recicla: Minimalisa e uzo di plastic di un solo uzo (Landsverordening verbod voor het milieu schadelijke producten) y reduci desperdicio estructuralmente. Awo cu e apertura di e iniciativa Aruba Limpi y e proyecto Zona di Desperdicio, comunidad sa unda pa bay cu e desperdicio categorisa.

Planta mata local: Participa den iniciativanan di plantacion di mata local pa asina yuda mantene nos isla berde y fresco. Mas esfuerso ta wordo realisa cu e ambicion di replanta Aruba cu 100,000 mata pa e siguiente añanan. Tur hende ta encurasha pa apoya y aporta na planta 1 mata mas y cuid'e.

Scoge Sostenibel: Opta pa productonan ecologico, reduci consumo di coriente den bo hogar, y apoya productornan local. Bishita mercado di Santa Rosa cu ta ofrece oportunidad na pro-

ductornan local pa bende nan producto.

Educa y Inspira: Comparti informacion den bo comunidad, scol of trabou tocante e importancia di cuida nos naturalesa. Riba DNM su pagina web dnmaruba.org ta haya e database completa di e flora y fauna protegi (Landsbesluit bescherming inheemse flora en fauna). Uza esaki na scol y den organisacion asina ta bira familiar cu nos sortonan protegi. Tambe tin hopi mas informacion di medio ambiente.

Participa den accion di Limpieza: Forma bo grupo di famia, amistad of di trabou y uni na campananan local di limpieza di beach, di nos careteranan of cerca di cas.

DNM kier stimula y empodera comunidad cu e siguiente mensahe: "Cada accion, sin importa con chikito e por ta, tin un impacto. E futuro di nos isla y di nos planeta ta depende di e decisionnan cu nos ta tuma awe. Proteccion di medio ambiente no ta e tarea di un solo dia, sino un compromiso continuo pa e generacionnan cu ta bini."

Pa mas informacion di e Dia Mundial di Medio Ambiente aki y con bo por involucra bo mes of bo organisacion den e movecion aki, sigui e plataforma oficial den e dia observa y uza e hashtag #WorldEnvironmentDay y #ClimateAction riba rednan social. Tambe por inclui bo aporte local pa cu accion climatico riba pagina social di DNM riba Facebook y Instagram.

Resultado Sorteo 4 juni 2026			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
9998	5912	1675	7347
1377	9460	SUPER5	4110
8396	6662	-	8449

MERDIA	ANOCHI		
--------	--------	--	--

			
Sorteo # 4994	Sorteo # 8864	Sorteo #	Joker Letter
4788	6954	0 x Jackpot	Proximo Jackpot
8926	0514	0 x Match 4+	425.000,-
8272	3555	0 x Match 4	
		0 x Afl. 12,00	
X2	X2		
			02-06-12-17-21
Sorteo # 4994	Sorteo # 7908	Sorteo # 7200	Proximo Jackpot
2833	9875	0 x Jackpot	69.000,-
		8 x Match 4	
X2	X5	217 x Afl 8,00	
			
Sorteo # 3050	Sorteo # 2613		
3267	9117	Sorteo #	mega ball
		0 x Jackpot	Proximo Jackpot
Sorteo # 4994	Sorteo # 6667	0 x match 4	300.000,-
3709	5965	0 x Afl. 500,00	
Cancer	Acuario	0 x Afl 50,00	
		0 x Afl.15,00	
Sorteo # 1868	Sorteo # 1597		Afl 400.000,-
204	824		
		Sorteo #	Sorteo #
X5	X2		



Cas Di Cultura
Vondellaan 2
Tel: 582-1010

F A D A
Campanastraat 5
Tel: 583-2999
Tel: 583-9610

F A V I
Primavera 233
Tel: 582-5051
Tel: 582-5222

F E P O
Engelandstraat 15
Tel: 583-1016
Tel: 583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**
Irenestraat 21 Aruba
Tel: 588-1179

**Fundacion Pa Nos
Muchanan**
Cumana 2
Tel: 583-4247

**Fundacion Tel Pa
Hubentud**
Wilhelminastraat 19
Tel: 588-6138

**Koningin Wilhelmina
Fonds**
Spinozastraat 9
Tel: 582-0412

Mary Joan Foundation
Sabana Blanco 8
Tel: 588-9999

Rode Kruis Aruba
Pedro Gallegostraat 14
Tel: 582-2219
Fax: 588-3376

Famia Planea (SBVO)
Ave. Milio J Croes 17 B
Tel: 588-9591
www.famiaplanea.org
famiaplanea@hotmail.com

Fundacion Guia Mi
George Madurostraat 34
Tel: 582-0088

Y M C A
Calbasstraat 1
Tel: 582-3072

AL-ANON group
Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad | **San Nicolas**
Hospital | **Imsan**
7:00 pm / 10:00 pm | 24 ora

Botica na warda

Oranjestad: Oduber
Tel. 582 1780

San Nicolas: Seroe Preto
Tel. 584 4833

Emergencia

Polis Oranjestad	100
Polis San Nicolas	104
Polis Santa Cruz	105
Polis Noord	107
Tip Line	11141
Brandweer	115
Ambulans	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

Botica

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

Utilidad

Setar	117
Web	525-4600
Elmar	523-7147

Funeraria

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

TAXI

**Aruba Transfer Tour &
Taxi C. A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Invitacion na comunidad:

Santa Misa na Alto Vista y Blue Army diasabra awor



**Luna di juni ta luna di
resa Santa Rosario. Ta in-
vita henter e pueblo, de-
boto y fielnan pa asisti, na
e Santa Rosario prome cu
Santo Misa.**

Mama Maria ta entercede pa nos na nos Tata Celestial. Laga nos roga na Tata Dios pa den Su bondad manda awasero saludabel pa nos islanan. Wak nos suela seco, dam y tankinan ta scheur di e segura grandi. Mata y palonan di mondi tambe ta sclama poco yobida, parha y otro crianan lo sucumbi den e segura. Tur santo y angelnan di cielo scucha oracion di pueblonan pa tin mas amor pa Señor Hesus-Cristo.

Diadomingo 7 di juni fiesta di Corpus Cristi, sigur un dia cu tur fielnan ta asisti na Santo Sacrificio. Papa Leon

ta haci un suplica na mundo pa resa e Santo Rosario, nos ta den un tempo di crisis grandi. Aki na Aruba nos ta sinti e Cambio di Clima..

E cayente di e solo ta afecta nos tur dia. Ban haci un curashi diasabra mainta trempan pa ofrece nos ora y asisti na Santa Misa y resa pa tur esnan cu ta leu di iglesia.

Laga nos resa pa necesidad

di Iglesia Universal, pa Papa Leon XIV, Administador Charles Gordon tur sacerdote, Diacono y laiconan cu ta hiba e bon noticia pa e pueblo di Dios.

Pa nos Gobernantenan y tur cu ta carga responsabilidad pa nos pais Aruba. Pa enfermonan den exterior cu a bay busca nan salud. Cu pronto lo regresa na Aruba y gosa di un bon salud.

Pronostico di tempo

Parcialmente nubla y generalmente seco cu un chance chikito pa awasero leve parti mainta.

Biento lo ta modera cu de bes en cuando un rafaga duro. Temperatura max 32°C & Min 27°C. Indice di calor 34°C pa 38°C
Solo ta baha: 7:03 PM
Solo ta subi: 6:13 AM



Biento:
Modera te cu fuerte for di oost-zuidoost; Forsa 4 te 6 (20 te 50 km/ora, 11 te 27 nudo).

De bes en cuando fuerte te posiblemente duro den rafaga, forsa 6 te 7 (40 te 61 km/ora, 22 te 34 nudo).

Situacion general di tempo pa proximo 24 ora
Un area di presion halto riba Atlantico lo mantene un biento fuerte riba nos region y esaki lo haci e lama tambe basta bruto. Shelo lo ta generalmente seco cu un chance chikito pa awasero leve parti mainta.

Tambe presencia di Stof fini di Sahara den nos area lo

reduci e visibilidad. Ta urgi Personanan cu problema nan respiratorio pa tene cuenta cu esaki.

Condicionnan maritimo/ lama:

Na parti nan protegi di costa: Keto, ± 1 pia.

Na parti nan zuid: Frankil, 2 PA 3 Pia.

Na Partinan oost te noord-west: Modera te cu basta bruto cu ola nan di 4 pa 8 pia.

Aviso/ alerta:

Un aviso pa boto chikito pa partinan oost te cu noord-west di costa ta sigui na vigor. Usuarionan di lama ta wordo urgi pa tene cautela cu esaki.

**Yuda FUDA cu
un Wensambulans
pa Aruba!**



**Donacion:
CMB#65550908**

**Tur beneficiado
ta haya un beer!**

PORCH SALE

Multy Family Porch Sale
diasabra 6 di juni di 9 pa 3
diadomingo 7 di juni di 9 pa 1
Paradera 198-H
Tel. 594 1527

Aurora

Royal Pray

Funeral Home & Crematory

Memorial Service
Pray Funeral Home - San Nicolas

In Loving Memory of
24 September 1956 – 30 May 2026
2:00pm - 4:00pm - June 5th 2026



Michael Dario Brown
Better known as “Maiky / Beertje”

Left to mourn :
Child
Michael Dario Brown

Siblings:
Olivia & † Julio Jansen
Louis & Estella Brown and family
† Errol & Octavia Brown and family
† Joyce & Herman Nahar and family
† Pamela & William Hassell and family
Ethel & Pedro Stamper and family
† Nelson Brown
Bridgette Brown and family

Nieces and Nephews:
Louis Brown II and family,
Sean Brown and family,
Corina Brown and family,
Errolito Brown and family,
Olivia Stamper and family,
Andre Stamper and family,
Scarlet Raap - Hassell and family,
Dario Nahar and family,
Jay Nahar and family,
Allan Brown and family,
Tesheena Brown and family

Like children:
Najean Daal, Shekainah Daal

Former spouse and mother of his child:
Jacqueline Daal - Peterson

Close friends:
Wayne Irwin, Ernand Coffi, † Roy Vieria
Other families & friends:
Irwin, Gomez, Fingal, Gordon, Paesch, Vrolijk,
Loopstok, Bitorina, Luidens, Stamper,
Peterson, Daal, Hassell, Arends, Kock, Famil y in
St. Vincent, Curaçao, St. Maarten,
The Netherlands, USA and Canada.

If in our time of grief we forgot to mention
y names of families, we ask you to accept our
deepest apologies.

Aurora

Royal Pray

Funeral Home & Crematory

Laga tur loke ta spera mi ta
bunita
Laga tur locual cu mi
encontra na caminda ta
bunita Laga tur locual cu
mi laga atras keda bunita y
Laga esakinan termina den
tur buniteza.

*Cu profundo tristeza na
nos curazon, pero gradicido
na Dios pa tur locual el a
significa pa nos, ta anuncia
fayecimento di:*

Sra. Marcelina Tromp- Lopez
Mihor conoci como Lina
* 26 april 1937 † 31 mei 2026



Yiu di † Ignacio & Juanita Lopez- Wever
Viuda di Sr. Teofilo Tromp

Na number di su:

Yiunan:
Luis y Sandra Tromp- Garcia Restrepo Tito y Mila
Tromp- Thijzen
Roberto y Antonia Tromp- Geerman

Nieto(a)nan:
Jonathan y Maria Monica Tromp- van den Bosch
Ludwig Tromp Y Evelyn Peterson
Luis Tromp y Vanessa Geerman Ruzischka Tromp y
Richnell Rozenberg Rashida Tromp
Maikel Rasmijn

Bisanieto(a)nan:
Nathan, Niamh, Adam, Noah, Nixelyn, Neylani,
Isabelle, Theo y Christiaan.

Rumannan:
† Francisco Lopez y famia
† Carlino Lopez y famia
† Agrepina Koolman- Lopez y famia
† Catharina Lopez
† Damasco Lopez y famia
† Clea Wever – Lopez y famia
† Helena Lopez
Pascuala Abello- Lopez y famia

Swa y cuñanan:
† Edna Johnson Tromp y famia
† Ruben Tromp y famia
† Margo Sark- Tromp y famia
† Olga Wong- Tromp y famia
† Marco Tromp y famia
† Leo Tromp y famia
† Bill Tromp y famia

Amiganon di cas:
Elio y Carmen Carolina- Rasmijn y famia

Subrino y subrinanan, primo y primanan, ihanan,
bisiñanan, personal di Cas di Machi, Brazilian Flash
Racing Foundation, demas famia y conocirnan.

Ta invita tur bisiña, amigo y conocer pa asisiti na e
acto di despedida cual lo tuma lugar diabierna 05
juni 2026. E curpa di nos Lina stima lo ta reposa for di
9or di mainta pa 10.30 na Pray funeral home na San
Nicolaas sigi pa un response.

Acto di cremacion lo tuma lugar den seno familiar.

Si en caso den nos tristeza nos por a lubida algun
persona of famia, nos ta pidi nos mas sincero disculpa.

Aurora

Royal Pray

Funeral Home & Crematory



*Juan 5:28:29.
No keda asombra
pa loke mi a caba di
bisa, pasobra lo jega
e ora cu tur esnan
cu ta den graf lo
tende Jesus su stem
y lo sali.*



Cu inmenso dolor na nos curason nos kier a anuncia cu a bay
sosega nos Mama-, Wela-, Ruman- y Tanta stima:

**Gertruida Bernardina
Weller-Di Vecchia**

Mihor conocí como “Ina, Mama Ina of Madu”
* 14 april 1945 - † 2 juni 2026
Tata: † Domenico Di Vecchia
Mama: † Maria Di Vecchia-Tromp
Vuida di Sr. Andres Weller

Na number di su:
Yiu nan:
† Melvina Weller
† Joselito Weller
Natalie & Anthony Koolman - Weller

Nieto nan:
Gerro y Michelle Koolman-Gesterkamp y yiu
Zayne Koolman y Francys Gomez Guterrez
Arran Koolman Y Suzanne Daudier
Nathan Koolman y Alyssa Valeriano

Suegro & Suegra:
† Jose Trinidad & † Marianita Weller-Geerman.

Consuegro & Consuegra:
† Armando & † Imelda Koolman - Schwengle.

Ruman nan:
† Eufemia & † Guillermo Arends - Di Vecchia y famia.
Eugenio & † Luisa Di Vecchia - Oduber y famia.
† Antonio Di Vecchia y famia.
† Canicio & Nini Di Vecchia – Dijkhoff y famia.
Ika & † Juan Martijn - Di Vecchia y famia.

Sua & cuña nan:
Antonia Weller & famia.
Cecilia & † Simplicio Boekhouwer-Weller y famia.
Julian & Milda Weller-Dijkhoff y famia.
Margo & † Eddy Ruiz-Weller y famia.
Filomena & † Harold Figaroa-Weller y famia.
Theresita & Jossy Lacle-Weller y famia.
Francisca & Jani Tromp-Weller y famia.
Anastacia & Antonio Rivera-Weller y famia.
Frenk Weller y famia.
Rommy & Rosa Weller-Tromp y famia.
Jolanda & Albert Lampe-Weller y famia.
Maiky & Nancie Weller-Le Blanc y famia.
Roland & Olga Weller-Jimenez y famia.
Edwin Weller.
† Marieta Weller

Na tur su, subrino- y subrinanan stima, primo- & primanan,
amiga- & amigonan, bisiñanan, y tur su conosirnan.

Doño y empleadonan di Art and Furniture:

Hans Droog y Vanessa Quilotte y yiu
Julian y Diana Hoyos y yiu

Demas famia: Weller, Di Vecchia, Koolman, Arends,
Martijn, Maduro, Croes, Thiel, Oduber, Dijkhoff, Tromp,
Ruiz, Schwengle, Gesterkamp, Gomez-Gutierrez, Daudier,
Valeriano, Dubero, Paskel, Alders, Geerman, Lampe, Lacle,
Rivera, Filipi, Parejo, Hoo, van der Linden, Chang, Figaroa,
Lopez, Bislip.

Famianan na Hulanda, Italia, Merca, Alemania, Spaña, Cuba
y tur su rumanan spiritual Testigonan di Jehova Congregacion
Tanki Leendert.

Acto di despedida
lo tuma lugar na: Aurora Funeral Home
Dia: Diabierna 5 juni 2026
Ora: 9:00 – 11:00 a.m.
Lo bai tin un discurso bíblico pa 10:30 a.m.
Despues di despedida nos no por ricibi bishita na cas

Un gradicimento na Dr. Martis, Dr. Fingal, Dr. Becker y tur
enfermero- y enfermeranan di Horacio Oduber Hospital pa
bon trato semper ricibi.
Si en caso den nos tristeza nos por a lubida algun persona of
famia, nos ta pidi nos mas sincero disculpa.

Aurora

Royal Pray

Funeral Home & Crematory

Met een hart van goud voor zijn gezin, familie, vrienden en leerlingen, ging hij door het leven. Altijd met een lach op zijn gezicht.

Vrede en rust waren voor hem van grote waarde.

Na een leven vol liefde, betrokkenheid en mooie herinneringen, nemen wij dankbaar afscheid van onze lieve echtgenoot, vader, opa, oom, broer en vriend.

Ir. Glenn Gerold Guiamo
8 augustus 1953 - 31 mei 2026

Echtgenote: Amarillys Guiamo-Wanga

Kinderen:

Shyreen Guiamo
Caroll Croes-Guiamo en Tim Croes
Carlos Guiamo en Jessica Malmberg

Kleinkinderen:

Nathan Neslo
Zayn Guiamo
Ciara Guiamo

Broers en zussen:

† Ronald Guiamo
Carlo R. Guiamo en familie
† Mavis Guiamo en familie
Orlando S. Guiamo en familie
Ruben H.R. Guiamo en familie
† Jules T. Guiamo en familie
Sieglien M. Guiamo en familie
Dennis K. Guiamo en familie

Schoonfamilie:

Anna Richardson-Wanga en familie
† Martina Wever-Wanga en familie
Leonora de Windt
Pablo (Leo) Wanga en familie
Floresita Cabral-Wanga en familie

Alle nichtjes en neefjes in Suriname, Nederland en op Aruba.

Zoals familie: Marie Occe



Vrienden en buren:

Marita Roethof, Imro Dawson, Glenn Weiss, Dennis Brahim, John Hessen, Edmund & Yvonne Fraser, Robbie Imambaks, Astrid & Patrick Lee, Derk Roemers, Frits Roemers, Robbert van Duin, Glenn Parto, Jacky Henriquez Brion en familie, Richard Charles en Vivian Kabelefodi

Overige familie:

Guiamo, Remak, Wanga, Cleonise, Huisden, Larmonie, Croes, Malmberg, Banket. Leerlingen, studenten en collega's: Hij was dankbaar om zijn passie uit te mogen voeren, zijn kennis te mogen overbrengen, en voor de mooie gesprekken en de samenwerking met collega's.

Speciale dank aan Dr. Caroline Becker, Dr. Jaclyn de Kort, Dr. Robert Dennert, Dr. Steve Cabenda, Dr. Joaquin van Trig, Dr. Carlos Alex Schwengle.

Mogelijkheid voor condoleren is op zaterdag 6 juni 2026 van 6:00 PM tot 9:00 PM bij Aurora Funeral Home & Crematory.

Afscheid en crematie vinden plaats op maandag 8 juni 2026 van 2:00 PM tot 4:00 PM bij Aurora Funeral Home & Crematory. Aansluitend vindt de crematie plaats in besloten kring.

Na afloop wordt er thuis geen bezoek ontvangen. Onze excuses als wij op dit moment van rouw bepaalde families of vrienden niet hebben genoemd.

Oportunidad pa tuma condolencia ta diasabra, 6 di juni 2026, di 6:00 PM pa 9:00 PM, na Aurora Funeral Home & Crematory.

Acto di despedida lo tuma lugá dialuna, 8 di juni 2026 di 2:00 PM pa 4:00 PM na Aurora Funeral Home & Crematory. Despues lo sigui cu acto di cremacion den seno familiar.

Despues di cremacion no ta ricibi condolencia na cas. Disculpa nos si den nos momento di tristesa nos por a lubida un of otro famia.

Aurora

Royal Pray

Funeral Home & Crematory

6 For I am now ready to be offered, and the time of my departure is at hand.

7 I have fought a good fight, I have finished my course, I have kept the faith:
2 Timothy 4:6-8



It is with profound sorrow that we announce the passing of our beloved mother.

Mildred De Coteau Frazer
*11-03-1940
†30-05-2026

The funeral service will take place on Saturday, 6th of June 2026 from 1:00 pm to 4:00 pm at Pray Funeral Home located at van Speyckstraat #1 at San Nicolaas followed by the internment at the public cemetery at Cura Cabai.

"Mi a lucha e bon lucha, mi a core e careda te na fin, mi a mantene mi fe. No a keda mi nada mas awor cu ricibi e corona di hustisia, cu Señor, e Hues husto, lo dunami dia e bini bek. No solamente ami, pero tur cu ta warde bini atrobe cu un deseo fervoroso." (2 Timoteo 4:7-8)

Conforme cu boluntad di DIOS nos ta anuncia fayecimento di nos ser stima:

PETRA THERESITA KOCK

Mihor conoci como: Petrica, Titi.

* 01-12-1954 - †30-05-2026



Yui:

Michael Angelo Ras

Bisanietanan:

Jaydriann Punsellie

Mikeily Pas

Maily-Ann Pas

Nietanan:

Joally Angelina Ras

Claudia Alejandra Ras

Alison Nicol Ras

Mayornan:

†Narciso y †Ramona Kock-Maduro

Rumanan:

†Alberto y †Placida Kock -Werleman y famia

†Francisco Kock

†Pascual y †Helena Kock-Lopez y famia

†Mario y †Magdalena Kock-Kelly y famia

†Ambrosio y †Riet Kock-Arnold y famia

†Jose y †Elsa Kock- Maduro y famia

†Narciso y Diana Kock- Maduro y famia

Cristobal y †Marjan Kock-Santbergen y famia

Antonio y Greta Kock-Geerman y famia

†Francisca Kock y famia

†Facundo Kock

Maria y Victor Quant-Kock y famia

†Wiwi Maduro y famia

Sobрино y sobrinanan, primo y primanan.

Esnan cu a cuide cu hopi amor y cariño:

Thuiszorg Agape Joy Care, Jachmine Paals, Luigiana Paals,

Nairee Tromp.

Su rumannan di iglesia Philadephia.

Demas famianan: Kock, Maduro, Ras, Pas, Punsellie

Nos ta pidi disculpa si nos por a lubida algun famia of conocir.

Despedida y cremacion lo tuma lugar na Amsterdam, Hulanda.

Diasabra 13 juni, 7:00 AM pa 9:00 AM (ora di Aruba)

Por sigui e despedida via 'livestream' Uitvaarcentrum Dela voor elkaar
<https://media.plechtigheidonline.nl/login/code/AL3C-6EFW>

Gradicimento y Invitacion

Na nomber di famia Curiel-Henriquez, nos ta gradici tur persona cu a brinda nos e atencion, cariño, sosten, palabra di consuelo y forsa durante e fayecimento y despedida di nos defunto stima:



Arnold "Johnny" Tarcicio Curiel

Boso muestra di atencion ta di hopi aprecio y gran sosten pa nos.

Nos ta aprecia na un y tur cu a manda un kaarchi, krans, yamada, whatsapp, mensahe riba facebook y boso presencia na cas.

Un danki special na: SKOA-IKDA, VMU, Sr. Tim Lake, Sra. Joseany Geerman.

Y tambe na Olive Tree pa e atencion y servicio durante e entierro.

Boso muestra di atencion tabata un gran consuelo pa nos.

E despedida di Johnny tabata uno tristo pero bunita, solemne y yen di amor, manera su bida.

Na mes momento nos ta invita famia, colega, bisiña, amigo y conocirnan pa compaña nos na 3 Santo Sacrificio di Misa na Parokia Inmaculada Concepcion na Santa Cruz dia:

- Diahuebs 4 di juni 2026 pa 7or di anochi
- Diasabra 6 di juni 2026 pa 7or di anochi
- Diamars 9 di juni 2026 pa 7or di anochi,

despues di Misa lo tin un Santo Rosario na cas Santa Cruz 51-B

Boso presencia ta altamente aprecia.

Aurora

Royal Pray

Funeral Home & Crematory

*Lagrima y flornan por seca, su recuerdonan y tur
loke el a haci y significa pa nos, lo keda graba pa
semper den nos mente y curason.*

*"Cerca Dios mi alma ta na paz, ta di DJE mi
salbacion ta bin"*
Salmo 62:1

Cu hopi tristesa pero conforme cu boluntad di
Dios nos ta anuncia cu a bay laga nos den brasa
di Señor



José Leopoldo Amaya
Mihor conoci como "Cheo"
*13-08-1944 - †24-05-2026

Na number di su:

Casa: Sara Amaya Roca

Yiunan:

Florencia Navarro, Zoila, Marina, Ajeovasdi,
Giovany, Morris, Eduardo, Telma, Alejandro
Kelly, Alex Kelly,

Nieto(a)nan:

Jesus Amaya, Pierina Bonilla, Genesis Bonilla,
Michella Bonilla, Joshua Bonilla, Yohana Amaya,
Jose Amaya, Eduardo Amaya

Ruman:

Maria Zambrano, Maximina Ribas, Josefa
Amaya

Subrino(a)nan: Jose Miguel Zambrano, Roxana
Ribas, Gabriel Zambrano, Dilia, Milagro
Zambrano, Victor Amaya, Franzoly Amaya

Primo(a)nan, amigo y conocirnan, bisñanan

Demas famia: Amaya, Zabrano, Kock,
Martinus, Bonilla, Montilla, Ribas, Viloria,
Kelly, Roca, Cuevas, Peters

Ta invita pa acto di entierro cual lo tuma lugar
diasabra 6 di juni 2026 na Aurora Funeral Home
di 9or pa 11or di mainta. Despues lo sali pa
Santana Central Sabana Basora.

Despues di entierro nos no ta ricibi bishiti di
condolencia na cas.

Nos desculpa si den nos tristesa nos por a lubida
cualquier persona.

Finlandia ta acusa homber di abusa di 361 mucha online

(AFP) - Fiscalnan Finlandes a acusa un homber pa e abuso sexual di 361 mucha online via rednan social, National Prosecution Authority (Ministerio Publico) a bisa diaranson.

A comete e ofensanan entre aña 2019 y 2022 cu e victimanan entre 9 pa 15 aña di edad, segun e autoridad.

Polis Finlandes a bisa den december cu e ta investigando e caso en cuestion y ta sospecha un homber di 27 aña pa 364 ofensa sexual contra mucha.

E autoridad a bisa diaranson cu fiscalnan a dicidi di no trece dilanti cargo den 3 di e casonan.

Miles di video y imagen di muchanan no identifica a ser haya den e homber su telefon na 2022, ora cu polis a busca den su telefon en conexion cu otro caso criminal, polis a bisa den december. E homber a contacta e muchan-



an via e plataforma Snapchat, pidiendo nan pa graba y manda potret of video di nan mes cu tiki paña bisti of completamente sunu.

Tambe el a pidi nan pa haci actonan sexual, polis a bisa.

E acusacionnan principal ta abuso sexual grave di mucha, abuso sexual di mucha y distribucion

di un imagen ta ilustra mucha di manera sexual grave, segun fiscal.

E homber a parcialmente admiti culpabilidad durante e investigacion.

Huicio ta anticipa di cuminsa den september, Ministerio Publico a bisa.

Palestinonan ta haci yamado na Trump pa stop anexacion Israeli

(AFP)—Embahador Palestino na UN, rondona pa su ekivalentenan di paisnan Arabe y Musulman, a haci yamado na Merca diahuebs pa stop anexacion di Israel di e teritorionan Palestino.

"Mi sa cu presidente (Donald) Trump ta capable, y e tin e instrumentonan pa stop Netanyahu mesora, pa no laga henter e region keda den turbulencia...y pa move den direccion di paz y husticia. P'esey mayoria di nos ta trahando cu nan," Riyadh Mansour a bisa prensa.

"Nos sa cu el a bisa (prome minister Israeli Benjamin) Netanyahu, incluso recientemente, stop e locuranan na Libanon, stop e locura. Bo sa cu bo no ta permiti pa anexa e tereno."

E grupo geopolitico Arabe den UN a uni cu e embahador pa expresa "profundo preocupacion" y solidaridad regional contra agresion di colononan Israeli y violencia militar contra Palestinonan cu ta "aumentando rapidamente."

"Israel ta sigui implementa politicanan cu ta nifica un anexacion acelera y un desmantelacion sistematico di derechonan Palestino," embahador Saudi



Abdulaziz Alwasil a bisa den number di e grupo.

"E grupo ta enfatisa cu e medidanan reciente di Israel no ta incidentenan separa, sino parti di un strategia coordina pa fortalece control permanente riba tereno Palestino, cambia e realidad demografico y geografico riba tereno, y elimina e posibilidad pa independencia di Estado di Palestina como un estado soberano, viable y conecta teritorialmente, conforme cu e resolucionnan relevante di UN."

Otro miembro di Organizacion di Cooperacion Islamico (OIC) tambe a ripiti e exigencia pa termina cu anexacion di teritorion-

an Palestino na West Bank, unda expansion di colonianan ta continua, y na Gaza, unda e ehercito Israeli a tuma control di por lo menos mitar di e teritorio.

Papiando den number di OIC, vice-embahador Turco Fikriye Asli Guven a haci yamado na Consejo di Seguridad pa "tuma medidanan urgente y efectivo pa stop tur actividad di anexacion, expansion di colonia, desplazamento forsa y otro practicanan ilegal den e Teritorio Palestino Ocupa, incluyendo Oost Jerusalem, y pa sigura responsabilisacion conforme cu derecho internacional."

Adoptadonan Sur Coreano ta demanda Dinamarca pa derecho di conoce famia biologico



(AFP) - 8 adoptado naci na Corea di Sur ta demandando Dinamarca pa su rol den nan adopcion ilegal decadas atras, exigiendo pa e estado admiti responsabilidad pa cubri nan origen.

Sofie Randel tabatin 3 aña ora cu el a yega Dinamarca cu su ruman homber chikito na 1977, durante un periodo di mando autoritario na Corea di Sur.

Un mucha chikito social, e tabata papia Coreano e tempo aki, y su tata adoptivo tabata grab'e riba cassette cu despues a keda warda pa varios aña.

Na 2023, Randel a duna un reportero e grabacion cu despues a sigui su buskeda pa descubri su originen.

Tiki tiki, via su papia ora e tabata mucha bayendo back na su yegada na Dinamarca y investigacion haci na Corea di Sur, Randel a descubri un storia diferente na esun cu tabata riba su documentonan di adopcion na Dinamarca.

Basa riba esakinan, el a pensa cu e tabata bandona riba caya, su ruman homber mara na su lomba cu nan number y edad pegá riba nan paña.

Sinembargo, el a haya sa cu nan mama a confia un orfa-



nato pa nan cuida mientras e famia tabata lidia cu dificultadnan financiero.

Na luga di cuida di nan den e orfanato, e muchanan a keda adopta hunto na Dinamarca, manera miles di otro manda exterior den practica sanciona pa e estado cu a dura varios decada.

Na Corea di Sur, nan 3 ruman homber y ruman muhe mas grandi tabatin speranza di wak nan atrobe. E y su ruman homber finalmente a conoce nan rumannan aya na 2023.

“Nan tabata buscando nos pa 45 aña,” Randel, awo di 52 aña, a conta AFP cu lagrima.

E y su ruman homber no tabata sa cu tin hende buscando nan.

E ta kere autoridadnan Danes a sconde nan responsabilidad y a purba “mantene e storia scondi” pa medio di bisa nan cu nan a ser bandona.

Corea di Sur a manda mas di 140.000 mucha exterior pa adopcion entre 1955 y 1999, segun un investigacion oficial den e pais.

Na october di 2025, Seoul a pidi disculpa prome biaha pa e mal practica cu sancion estatal, bisando cu a comete “violacionnan di derecho humano inhusto.”

Entre 1970 y 1989, 7.220 mucha Sur Coreano a keda adopta na Dinamarca, casi tur di nan a ser bisa cu nan tabata huerfano riba caya.

Investigacionnan a comproba cu e realidad tabata otro, indicando cu muchanan Sur Coreano den orfanato a ser duna den adopcion sin e consentimiento di nan famia.

Un reportahe na 2024 di National Socials Appeals Board a mostra cu Dinamarca su agencianan di adopcion opera pa e estado tabata sa cu nan partner Sur Coreano den cierto caso tabata cambia e identidad di e muchanan.

Segun media Danes, e agencianan Danes a paga alrededor di \$8.4 miyon pa facilita e adopcionnan.

“Como un Danes, mi a kere cu Dinamarca tabata na e banda corecto y cu Corea, como un ex dictadura, tabata di banda di esunnan incorreto,” Peter Moller, ken ta hefe di un asociacion defendiendo e derecho di adoptadonan Sur Coreano a comenta, aunke e no ta forma parti di e demanda contra estado Danes.

“Sinembargo Corea di Sur tabatin e curashi di mira loke nan a haci den wato” mientras “Dinamarca ta prefera sconde tur cos,” el a bisa.

Sidse Koch Jorgensen, un fisioterapeuta di 53 aña y adoptado, ta rabia.

“E ta un derecho humano pa sa bo identidad y tambe tin e posibilidad di tin contacto cu bo famia biologico,” el a expresa.

E discrepancia den su documentonan di adopcion a pre-

veni esey pa varios aña, aunke awo e ta yegando fin di su investigacion, cual a cuminsa cu un prome biaha pa Corea di Sur na 2013.

“Un luna prome cu mi mes-ter a bay, mi a haya un email bisando cu nan a haya mi tata,” el a conta. “E tabata un shock.

El a conoc'e durante su bishita, y a descubri cu e circunstancianan real di su separacion cu su famia biologico tabata hopi diferente na loke tabatin skirbi riba su documentonan di adopcion.

Mientras su tata tabata fuera di e pais, Jorgensen su wela a mand'e un “campamento” pa cuida di e sin su tata su consentimiento. Na luga di keda ey, e mucha a ser manda Dinamarca pa adopcion.


“Mi kier pa e gobierno Danes tuma responsabilidad pa asina hopi negligencia,” Jorgensen a agrega.

“Nan tabata e autoridad cu mester a evalua tur cos, pa haya un bista si tabatin cualkier preocupacion.”

E victimanan cada un ta pidi \$38.800 pa compensacion di daño.

Contacta pa AFP, ministerio di Asuntonan Social Danes a rechasa duna comentario.

Dinamarca a para adopcion internacional na 2024 despues cu un cantidad di problema serio cu practicanan di adopcion internacional a sali na luz.



INTRODUCIENDO AWO

Sali Conecta

WIRELESS INTERNET TEMPORARIO PA CAS

CONECTA CU INTERNET
MESORA
MIENTRAS BO INSTALACION
TA NA CAMINDA.

SETAR

* SALI CONECTA TA UN SERVICIO 5G TEMPORARIO DI FIXED WIRELESS INTERNET PA CLIENTENAN CU BUSCA CUALKIER PAKETE DI INTERNET PA CAS Y TA DISPONIBEL SOLAMENTE PA CLIENTE CU TA PENDIENTE PA HAYA NAN INSTALACION DI INTERNET FIHO NA CAS.

49 persona ta muri di sed den desierto di Niger despues cu truck ta dañá

(AFP)—Cuarentinuebe persona a muri di sed den un distrito den desierto di Sahara na Niger despues cu un truck transportando nan a dañá, autoridadnan a bisa diahuebs.

Esnan morto tabata un grupo regresando for di Mali pa un festival Musulman ora nan awa a caba, gobierno di Agadez a bisa den un publicacion riba Facebook.

Cuarentinuebe persona “a

muri di sed den un area isola mas cu 80 kilometer west di Assamaka,” e declaracion a agrega. Assamaka ta un crusada entre Niger y Algeria pero tambe cerca di e frontera di Mali.

“Sin awa y sin por a drecha e vehiculo a pesar di e esfuersonan di e chauffeur, su asistentenan y pasaheronan, e pasaheronan a haya nan mes pega den curason di un ambiente hostile unda temperatura extremo y ausencia di punto

di suministracion ta haci sobrevivencia extremadamente dificil,” gobierno a detaya, agregando cu e victimanan a ser dera den graf masal.

Dos persona sinembargo, a sobrevivi despues di cana mas cu 50 kilometer riba pia na un fuente di awa cerca y despues a sigui pa Assamaka, unda nan por a alerta autoridadnan. E zona di desierto ta conoci como un punto di transito pa migrantenan purbando di sali di nacionnan



Africano pa drenta Europa y den e santo cayente. hopi a muri di sed of hamber

Zelensky, den carta habri pa Putin, ta propone reunion den persona

(AFP)—Presidente Ucrainiano Volodymyr Zelensky a propone un reunion den persona cu Vladimir Putin den un carta habri pa e lider Ruso diahuebs, bisando cu tambe ta cla pa un “paro completo” den combate.

E carta ta marca un di varios biaha cu Zelensky a apela directamente na Putin desde e invasion di Rusia na 2022. Discusion entre Ru-



sia y Ucrania a keda para pa algun luna, mientras nego-

ciacionnan lidera pa Merca a keda stanca debi na e guerra cu Iran.

Rondanan anterior di negociacion entre e dos banda na Istanbul, Abu Dhabi y Ginebra a fracasa den haya logro riba asuntonan clave di teritorio den un acuerdo post-guerra.

“Ucrania ta propone caba cu e guerra aki via participacion directo entre nos—y boso. Mi ta proponiendo un re-

union,” Zelensky a bisa den e carta, cual a ser publica riba e website presidencial di Ucrania.

“Ucrania ta cla pa un paro den combate pa e duracion di negociacionnan,” el a agrega. Zelensky a propone un intercambio di prisionero di guerra, bisando cu e por ta “un bon comienso na caba cu e guerra.”

No tabatin ningun comentario inmediato for di Putin,

ken tabata finalizando un reunion cu reporteronan den exterior na Saint Petersburg ora e carta a ser publica.

Zelensky a haci yamado repetidamente pa un reunion cu Putin, bisando cu negociacionnan den persona so lo resulta den un acuerdo riba teritorio. Putin a sugeri cu e lo reuni cu Zelensky solamente si ta cla pa yega na un acuerdo di paz.